

8-72

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
S38A67

Seyfeddin, Omer
Ashab-i kehfimiz

3938

18/581

عمر سيف الدين

اصحاب كهف

الجنائى رومان

Seyfeddin, Ömer

Ashāb-i kehfimiz

طابع و ناشرى : قناعت كستابخانه سى


استانبول — قناعت مطبعه سى

۱۹۱۸

PL

248

S38A67



بو كوجوك روماني بش سسنه اول يازمشمدم . مقصدم
ادبي برائر ميدانه قويلىق دكيدى سادهجه منورلرئزك غريب
دوشونوشلرئنى اجتماعى حقيقتله قارشىلاشديرىمق ايستيورددم .
مشروطيتدن صوكرام بويوك آداملرئزك چوغيله كوروشمشمدم .
هپسئك فكري ، آشاغى يوقارى ، شو نتيجهده طوبلانيوردى :
« عثمانلىق ، مشرك بر مليتدر . عثمانلىق نه يالكز توركلك ،
نهده يالكز مسلمانلق ديمكدر . عثمانلى دولتنك اداره سسندده
ياشايدان هر فرد (بلا تفريق جنس و مذهب) عثمانلى ملتته
منسوبدرا » حالبوكه بوفكر ، غيرملى تنظيمات معارفنك يتشديرديكى
دماغلرده دوغمش پروهمدن ، برخام خيالدن عبارتدى . دينى ،

لسانی ، تربیه سی ، تاریخی ، حرثی ، مفاخری آیری اولان
 فردلرک مجموعندن « مشترک برملیت » تشکیل ایتک امکافی یوقدی .
 « عثمانلیلق » حقیقته دولتمزک نامندن باشقا برشیمیدی ؟ آوستریاده
 یاشایان آلمانلره « هابسبرغ ملتی ، آوستریا ملتی » دینه مزیدی .
 آلمان نره لی اولورسه اولسون ، هر برده آلماندی ، تورکجه قونوشان
 بز لرده بش بیک سنه لک بر تاریخک ، حق پک آکی بر اساطیرک
 صاحبی اولان بر ملتک . عثمانلی دولتمک مملکتنده ، قافقاسیاده ،
 آذربایجانده ، تورکستانده ، بخاراده ، کاشغرده ، حاصلی نره ده
 یاشارسه ق یاشایالم ، ینه خالص مخلص تورکدک ... حالبوکه
 « عثمانلیلق » کلمه سنه موهوم معنالر ویره ن منورلرک سیاسی
 فیکرلری ، اجتماعی غایه لریسه انسانک کوزلرندن یاش کتیره جک
 درجه ده کولونجدی .

بو محترم أفندیلر ، بالفان محاربه سنندن سوکراده حقیقی
 کوره میورلردی . ایشته او وقت بو کتابی یازدم . ایچنده کی
 فیکرلر صرف تنظیمات الهملری اولدینی ایچون هر هانکی بر
 ذاته عطف ایدرک شخصی « انموذج » لر چیزمکه چالیشمامشدم .
 تورک کویلو سی « دیلی دیله او یان ، دینی دینه او یان ... »
 دییه ملتک حدودینی پک کوزهل آکلارکن منور أفندیلر صدک
 انقلاب ائناسنده نه دیله ، نه دینه اهمیت ویریورلردی .
 نهایت ، ایشته زمان اولنره یامان بر درس ویردی . اون سنه
 ایچنده هربری بر عصره صیغما یه حق وقع لر باشمزدن کچدی .
 آرتق عمومیتله ملتک قیمتی بیلندی . قونوشولان طبیعی
 لسانه ، ملی ادبیاته ، ملی صنعته ، ملیت مفکوره سنه اهمیت
 ویریلرکه باشلاندی . بو کون احتمال شو کتایده کی قهرمانلرک
 سیاسی ادعایری ، بودالاجه حرکتاری مفرط برر « مبالغه »

كى كورونەجك ، فقط حالا ملىتېرورلىك ، توركچىلىككە ئىلھىدار
چىنەنلر ك لساندە ادبىياندە ، صنعتدە ، سياستدە - پك آچىقچە
اعتراف ايدەمدىلىرى - غايەلىرى نەدر ؟ اكر وارسە ھې بو
بوش خولالىر دىكلى ؟

مارى پر ، ۱۹۱۸

ع . س .

یکی بردنک



صحاب کونج

بر آرمی کنجک خاطرہ لری

۱

یکی بر در نک

۳۰ آگستوس ۱۹۰۸ مودا

شیمدی کز مکدن کلام. ایچمدہ طاتلی بر سونینج
وار. پنجرہ مه او طور دم. قومشومن روپنیانلرک یشیل
ایری پاپاغانی قفسہ-نک آسیلی دوردینی بالقوندن بکا
باقارق :

— هوسه غور ، هوسه غور ...

دیه باغرییور. باغچه نک کولکلی طرحلرندہ بر

كدى اوينايور . آغاجلر قوش دولو ... صانك
 سىلرى كوانشسك ياقىچى آيدىنلقلىرى ئورپەرتيور .
 اچمىدە بر فعالبت آرزوسى قايناشيور . كتاب اوقويا -
 ميورم . اوقومق عبوس ، كونسىز قىش كونلرىنك
 مجبورى اكلنجەسىدر . « نه ياپايم ؟ » ديهە دوشونويورم .
 برأرمى نه ياپار ؟ مطلقا فائەلى ، كارلى برى ! چوجو -
 قكن ، داها قارابتان اعداديسەندە اوقوركن باغدا
 سريان اسەندە توحاف بر جغرافيا خوجامز واردى .
 — دىادە اُك برنجى ذوق روزنامە طومتقدرد .

دردى . بن بونى بوش ، معناسز ، پك مناسبتىز
 بولوردم . كندى كندىمە « روزنامە طومتق ، تحريرى
 بر كوه زەلكدر ، » دىردم . داها پك كنجكن ئوزەندىكم
 شى « جدى اولق » دى . درسمى اوقوركن ، آرقاداشلرملە
 قونوشوركن ، يولە كىدەركن بوبرەكلرم صانجىورمش
 كى يوزىمى اُكشيتىر ، قاشلرىمى چاتاردم . بو عادتم
 يوزمە غايت درىن ، وقتىز چىزكىلر براقدى « سوز
 كوموشسە ، سىكوت آلتىندر . » ديهەن بن ، يازمق
 خصوصەندە پرهىز ايدىيوردم . مکتوبلرم غايت قىصا ،
 غايت معنالىدى . عمرمدە فضلە بر شى سويلەمدىكم كى
 فضلە شى دە يازمادم . بوكون ، آما بىلەميورم نه دن ؟
 ھې يازمق ، خاطرەلرىمى كاغدلرە كچىرمك اىستىيورم .
 كوزلرىمى آغاجلرك بايغىن ياپراقلى آراسەندە
 دىكلەندىرەرك خىالمى اون بش سەنەك برماضى بە چو -

یریورم، ایشته معلم باغدا سریان ... شیشمان قومرال
بیقلی، قیرمزی یوزلی معصوم طورلی بر آدام.
دیورکه :

— چوجوقلم، سز هر کون ده کیشه جکسکیز.
هر کون سز بویورکن، دماغلریکیز « فکرلریکیزده
بویویه جک، هر کون فصیله یاقلاشاجق، ادرا کسز
شعورسز کچن کونلریکیز ایچین تأسفلیر ایده جکسکیز.
دوشوندا کلریکیزی، دویدا کلریکیزی بش اون دقیقه
آجیایوب یازیکیز. یارین یازدیگیکیز او بر کون بیلمیه.
جکسکیز. برسنه اول یازدیگیکیز او بر سنه او قورکن
نه قادار ده کیشدیگیکیز آکلایارق حیرتلیر ایچنده
قالا جکسکیز...

اوچنجه صیرانک باشنده اوطوران هاییقیان کولو.
مسیور. قوجامان قافاسی صالایارق « ثویله بوش شیلرله
اوغراشا جغمه فائده لی برشی او قور او کره نیرم » دیور.

زواللی دوستم هاییقیان! او وقت خوجا کک سوزینه
اینانوب عقلاق ایتمه سیدک بو کون عمر بکک، روحکک
معنالی ایزلری آئنده قالیر، اونلرک اوزرنده، نه قادار
فجیع اولسه ده اوزا قلاشیلدقچه داها زیاده سویلن او معزز
ماضی یه دوغری کیدر، آکله نیر، طاتلی بر ذوق بولوردک...

شیمدی ایشته قلم الکده ، بویله دوشونویورساک !

شیمدی اوت ، قلم المده ، دوشونویورم . خاطرم
پیرانمش ، خیالم یورغون ... قان لک لریله . قلیج کولک لریله
قارالان چوق قلمدن بری هر آن فکرم ، ده کیشدی .
اوقودیم کتابلر ، بوزولان اعتقادلرم ، قارتلاشان
معصوملقلرم بو کونکی شخصیتیمی دوغوردی . بو کونکی
کوزم دونی ، حقیقه الیاقین رنگ لریله ، کوره مز . بد بخت
اولدم . لاقید اولدم . مسعود اولدم ، مایوس اولدم .
امید وار اولدم . موفق اولدم فکرلرم کی حسلرمده ،
طالمده ده ثابتلک یوق . هر شی ده کیشیور . اکر حقیقتک
نه اولدیغی بیلمدن هر کون بیک دفعه سویله دیکمز
بو کله نك بر اصلی وارسه ، آرتق بنجه شبهه یوق که ،
ثابتلکده دکیل ، ده کیشیکلکده در . دنیاده ثابت نه
وار ؟ حیات بر فورطونا که بزی ثوکنه قاتمش ده کیشد .
یره رک سوروب کوتوردیور . بر دقیقه بر یرده ، بر
حاله دورامیورز . اولمایان شیده حقیقتی اولور ؟
اولان متادی ده کیشیکلکدر . بو کون المده بر روزنامه
بولونسادی بلکه حقیقتی اکلایایله جگم .

شمدن صوکراده بر چوق فکرلرم ، حسلرم ،
ده کیشه حک . اونوتولاجق . اونلری خاطر دمک ، حسمک

قارا کلغندن قورتاراجم . مادامکه دوغرو اولاراق دونی
يازاميورم . بو کوندن اعتباراً يارینی يازمنه باشلاياجم .

اون بش ، ييرمی کون ايچنده نه ده کيشيكلک ياربی .
او قادار قارده شلریمزی کورد جالارلرینه دوغراتان
قيرمزی ساطانك قوتی ، اقتدارى بردنبره سوندی .
استبداد بهار صباحلرنده اويانان بر آدامك كابوسلو
روياسی کبی توحاف ، کولونه جك بر خاطره بر اراق
سليندی کيتدی . دينار باريشدی . ملتير قايناشدی .
پاپاسلر ، متعصب خوجالرله ئوپوشدیلر . عصرلرجه
بر برلرينك قانلرینی اُمن . کوزلرینی اويان عنصرلر
قول قوله اوينادیلر . دوغان حریت کونشی آلقیشلادیلر .
هر شیشی سیاه کوره ن بدینلر :

— بو بر صیتادر ، کچر دییورلر ، کونشك
آلتنده یکی برشی یوقدر . تنظیلات حریتك اصلی اولاماز .
هر ملت بر ملتدر . طویلانوب بر ملت کبی بر قانون آلتنده
بروطن ايچنده راحت راحت کچینه منزلر .

فقط وقعهلر اونلری یالانه جیقار ییور . بو کون
أرمينك ، رومك ، آرناوودك ، صربك ، بولغارك ،
عربك ، توركك ، کوردك قلابی ، حر عثمانلیلق ، ایچین
چارپیور . **بک اوغلندکی** ، تپه باشنده کی نمایشلر روملرک

نہ قادر عثمانیہ مشفق، نہ قادر صادق اولدقلرینی بارز
بر صورتده کوستردی. لسان مسئلہ سی، سائر مسئلہ لری
آجیلاجق مبعوثان مجلسہ منده ملت وکیللری عدالت
داخلنده حل ایدہ جکلمر...

ایکی آی اول نہلر دوش-ونویوردیم؛ امین ایدم کہ
تورکیا، بوخاستا آدم آرتیق دوشدیکی اجل یاتاغندن
قالقاماز. بوخاستایی بویله سوروندورمکدنسه زهرله یهرک
جابوجاقق اجتنابی ممکن اولمایان مشئوم نتیجہ یه کوتور-
مک... ارمنستانده، هیچ اولمازسه روس حمایه سنده
بر مختاریت یایمق... کوردلرله شهرلرده اوطوران
تورکلری برعصر ایچنده ارمنیله شدیره جک اُسکی ارمنی
ایمپراطورلغنک تملنی آتمق...

واقعا ایدہ آلر «اولان» دکیل، «اولماسی ایستیلہن»
شیلردر. فقط آما مناسبتر بر خولیا... نیچین هر مات
آیری بر زمزه، آیری بر حکومت یابارق یاشاسین؟ ایشته
بر آرادہ، منفعت، قومشولق باغلریله پک اعلا اکلاشیورلر.
امریقالیر مسعود دکیلمی؟ بر نیچین عثمانلی اولمایلم؟ نیچین
بو اوتوز شوقادار میلیونلوق جمعیتی ییقالم؟ منطقله منفعت
بزی خولیا له مفکوره پیشنده قوشمقدن منع ایتمیزی؟
حالا دوام ایدہن آلیشیلر، نمایشلر بنم منطقمدہ
اساسلی بر انقلاب وجوده کتیردی. شمدی پک واضح
پک صحیح دوشونه یایبورم. عثمانلی یم. عثمانلی قالا جقم.
الوداع ای اُسکی اختلاجلی هاییقیان، الوداع سکا...

۱۰. آیلول ۱۹۰۸ مودا ...

بن تنبلم ! ايشته قاچ کوندر واپورده ، يولده يازاچم
شيلري دوشونويور ، کندى کنديمه :

— بواقشام ...

دييورم . آقشام صباحه براقيورم . صباحلاينده
ايرتسى آقشامه ... مشروطيتك ، حريتك سرخوشاقلري
كچدى . شيمدى هېمز سرسم كې يز . مملكتك داخلى
قارما قاريشيق ! ايشلر بك اويله چابوچاقق دوزمه لكه
بكزده ميور . واقعا مشروطيتى علناً ايسته مه ين يوق .
آما ييقيلان اسكى اداره نك انقاصى قورقونج برداغ كې
حالا اوزر يمزده دورويور ، طاتسز وقعهر ا كسيك
دكيل .

بشکطاشده بر اسلام باغچوانك قیزی بروومه قاجیور.
 حریت قاراقوله شکایت ایدیور. قیزله رومی طوتویورلر.
 صوکر ا خلق قاراقوله هجوم ایدیور. قیزله رومی او
 قادر دوکویورلر که روم ثولویور. رومك ثولوسنی
 آلان روملر بك اوغلنده کزدیریلر. تورلو تورلو نمایشلر
 یایدیلر. بوعادی ضابطه مسئله سنه ملی بر شکل ویردیلر.
 بن نمایشجیلرک آراسنده یدم. بر کون تورکلردن انتقام
 آلاجه قیزی هایقیریورلردی .

بطریقخانه لر « اسکی حقوقز ، اسکی امتیازلریمز ،
 دییه قیلدانهغه باشلادیلر. حالبوکه قانون اساسی بوتون
 عثمانیلر ایچین « بر » دیکلمی ؟ قانون اساسی قارشیسنده
 خصوصی بر حقوق ، خصوصی بر امتیاز قالیرمی ؟ هم
 قالماسی معقولمی ؟ منطیقمی ؟ بونک ایچین بر چوق مناقشه لر
 ایتدم. اعتراف ایدرمکه تورکلر پک صمیمی ! تنظیمات
 قانون اساسی ، عثمانلیق اوغورنده کندی ملیتلرندن
 وازکیورلر. مکتبده او قوتدقلری کتابلرده ، تاریخلرنده ،
 غزته لرنده حتی بر تک « تورک » لری آغزلرندن
 قاجیر میورلر .

« بز عثمانیلر ، هپمز قارده شز دییورلر ، جامعلرک ،
 کیلیسه لرک دیشاریسنده هیچ بر آریمز ، غریمز یوقدر .
 هر شیتک فوقنده مقدس ، عالی عثمانلیق واردر ! »
 بوفکره تورکلردن هیچ مخالف یوق. عادتاعثمانلیق
 اولره منطق ، مناقشه قبول ایتمز بر دین کیی اولمش .

روملر، آناوودلر، بلغارلر، بعض ارمنيىلر، عثمانلىق
 زىم مىلىتلىرىمىز ايچىن بر تىھلىكە تشكىل ايدىر. « دىيورلر.
 بن بو سوزى اوقادار دوشىو بولىيورم، بطريقخانەلر
 ا كدىكى توخوم ... پاپاسلر سىياسى قايناشمانك قوتلىرىنى
 قىراجىغىدىن قورقويورلر. مىسلىھەتە اونلر ك كوزىلە باقىلىرسە
 حقلىرى دە يوق دكىل ...

لا كىن بو كۈن پاپاس عصر ندىمى يز ... قانون اساسى
 اولان مشروطى بر مىلكەتتە « مىلىت، قومىت، تشكىلاتى
 نە دىمكدر ؟

كانون ثانی ۱۹۰۹ مودا ...

صوئوق چوق . . . اودون ، كومور فيأتی بك
بهالی ! اوندە پانسیون اوطوردیغم اختیار قادین :

— دنیانك صوگئی ؟

دیور . عمرنده بو قدار صوئوق بو قدار بهالیق
كورمه مش . البسه یله اودون پاراسی بودجه می
صار صدی . هر آی اوچیوز فرانقجمنی آیروب بانقایه
تسلیم ایدم میورم . . . ایشلر کساد ، کساد ، کساد . . .
تجارت عالمی ده ترك ایتمه رك سیاسیا ته آتیلمنی جانم او
قدار ایستیور که ! اوت بنم قائمه بر قورد وار . ارمنی
فرقه لرندن برینه داخل اولمنی دوشونویورم . فقط
اونلرک هیچ بری قانون اساسی به موافق بولمیورم .
زیرا « هایت اساسلرینه مستند سیاسی فرقه لر ، عثمانلی
قانون اساسینه مخالف در ، اتحاد ترقی بی دوشویورم .
اوراسی ده بنم ایچین مجهول ایشیدییورم که اوروپا لیلر
« کنج تورک » دیدکاری بو آداملره پان اسلامیزم کی
املر عطف ایدیورلر . بکله مک ، عجله ایتمه مک لازم . . .
هله بر یاز کلسین . . . باقالم نه اولاجق !

۱۷ مایس ۱۹۰۹ مودا . . .

یازی یازمقده او قادار تذبلم که ... سوزده حسلریمی ،
خاطره لریمی کونی کوننه یازاجقدم . نرده ؟ اهاجلی برتورك
کبی کندی کندیمی « ألم دیکم یور . » دیه تسلی ایدی یورم .
بو کون ایشته ایشم یوق ، زورله ماصامک باشنه او طور و .
یورم . کتابلرک غزته لرك آلتسده قایب اولان دفتریمی
بولو یورم . درت آیدر نه لر اولدی ، نه لر ... عادتاً بر
تاریخ ... دوشمانمز قیرمیزی سلطان دوریلدی . شیمدی
سلانیکده محبوس ... آرتیق ارتجاعک استبدادک کیری
کملک احتمالی یوق .

عصیانک بوتون صفیحه لرنده حاضر بولوندم . بوار تجاع
اصلاً یکیلکه قارشى ملی بر عصیان دکیلدی . استانبولک

بوتون عسکرلری صانکه کندیلرینه « خیر یستیانسکیز »
 دییه وارمش کبی مسلمان اولدقلرینی ادعای دیورلردی.
 شایقالیره ، خصوصیه اجنبیلره دو قونمورلر ، حتی
 اولره فضله احترام کوستریورلردی. کنج تورک ظن
 اتمه سینلر دییه بن ده شایقا کییدم. بوتون دوستلرم ده شایقا
 کییدیلر. شایقاله اختلاجیلرک آراسنده سربستهجه کنزیه.
 بیلورودی. نه اکلنجه لی کونلردی ... حکومت فلان
 هرشی سونمش ، عادتاً تجرایتمش ، اوچش کیتمشدی ،
 عادی ، کوچوک چاروشلر پایتخته حکم ایدیورلردی.
 اک مشهورلری همدی چاووشدی. بو زواللی بی آصدیلر.
 قوتنک ، اقتدارینک اک شمعشعلی زماننده ارمیجه بر
 غزنه نیک مخابری صفیه کندیسيله ملاقات ایتک ایستندم.
 طاش قیشلانک محترم بر او داسنده بی قبول ایتدی. حالا
 چاووش فورماسی طاشیورودی. بلنده پالاصقاسی آصیلیدی.
 — نه ایستیورسک ؟

دیدى. مخابر اولدیغی ، ارمی ملتک مرخص کبی
 کندیسيله کوروشمک ایستدیگمی سویله دم . وثیقه فلان
 آرامادی . فقط اوطوتما دی ده ... آیاقده قونوشدق :
 — پکی نه سوراجقسک ، صور باقالم .

— اختلالدن مقصدیکیز نه در ؟

— شریعتی چیقارمق ...

— شریعت نه دیمکدر ؟ لطفاً بکا ایضاحات ویریر .

میسکیز . بزم ارمیلرک بو خصوصده معلوماتی یوق .

— شریعتک نه دیمک اولدیغنی علما افتدیلریمزدن
کیت او کرمن. بنم سسکا او کر دتمک حدم دکیل. بایک
یا کلش بر شی سویلرمده کناهه کیره رم.

— شریعتی ناصیل چیقاراجقسکز ؟

— نه قادار مکتبلی ضابط وارسه هپسینی ئولدوره.
جکیز. ژون تورک دیدکاری دینسز حریفلری بر دانه
قالما نجه یه قادار محو ایده جکیز ...

هیئات ... بز ژون تورکلرک تعصبندن ، اتحاد
اسلام طرفداری اولدقلرندن نفرت ایدره ، هرفر صتده
کندیلمینه هجوم ایدهرز . تورکلرده اونلره « دینسز »
دیرلر. اولیه بر تضادکه ... آما هانکیسی دوغرو ...

— پک اعلا افندم ، سز تورکیمسکز ؟

— خاییر تورک فلان دکیل ...

— آراناوودیمسکز ؟

— خاییر ، هیج بر شی دکیل ...

— یا نه سکز ؟

— مسلمان ...

دینک باشقا ملیتک باشقا برشی اولدیغنی بو چاووشه
اکلاتیلامازدی. آیریلدم ، دیشاری چیقدم. اوکیجه بک
اوغلند قالدیم. کزدم . بوتون عمو مخانه لر . میخانه لر
اختلاجیلرله دولمشدی . هپسینی ئوله جک درجه ده
سر خوشدی . الفته لره صاریلورلر :

— شریعت ایستروک ...

دیه آواز لری چیقدی قادیار باغرییورلردی .

دنیاده بوقادار مقصد سنز ، بوقادار ایدمال سنز بر اختلال
اولامازدی . حرکت اوردوسی کلنجه بر صابون کوبوکی
کبی عصیانک روحی سوندی . قهرمانلر قویونلر کبی
قیشلالرده طوتوله رق باغلاندی . روم ایلیده عسکری
یوللرده چالیشدی ریلق اوزره واپور واپور سالانیکه
کونده ریلدی . عبدالحمیدک حضورنده قبولی بک اسمنده
برقابودانی پارچالایان بحریه لی نفرلر آصیلدی .

بر تورک - عثمانلی آرقاداشمله آصیلاجقلری کورمکه
کیتدم . او کیجه سرکه جیمده اوتلده یاتدیق . صبا حلین
ارکندن دار اغاجلرینک قورولدیفی میدان کلدک . دها
کونش دوغمامشدی . حربیه نظارتی طرفندن برکورولتو
قویدی . محکوملری کتیره ن آرابه لر ایلرلیوردی .
آصیلاجق اولانلر بوتون قوتلریله تکبیر کتیریورلردی .
اوراده کی ژاندارما ضابطی بزه دپدیکه :

— بونلر کوه زدلک یاپیورلر . اوبرلری اوصلویدی .
شیمدی دوریش وحدتی تشویق ایدیور . ظن ایدیور که
تکبیر سسلرینی ایشیدمن خلق کلوب اونی ایپدن زورله
قورتاراجق ...

صوگ نفسنده بیله خاقی اختلاق تشویق ایتکدن
واز کچمه یهن بو آدمی کورمک ایستهدم . آرقاداشمک
طاییدی ضابطله برابر یاننه کیتدک . بو آتش یوزلی ،
فقط وحشی عزملی بر آدمدی . براز صارارمشدی .

حالا کنج تورکلره کفرلرایدیور، اونلرک کوره جکلرندن
 فلان بحث ایدیوردی. چوق سـویلندیرمه دیلر.
 آصدیلر... قافاسی دوشـنجه بزم شهید اولان فداکار
 اختلاجیلریمزی دوشوندم. تورکلر نه توحافدر. کندی
 ملتیری کیچی چوق شیشی انکار ایدرلر. غایت مکمل
 عالی، فداکارانه اولان ارمنی اختلاللرینه «عصیان»
 بیله دیمکه تنزل ایتیمورلر، لاف آراسنده کچرسه یالکـز
 «ارمنی کورولتوسی...» دییه کولومسیورلردی. او
 قادار فداکار ویرهن قوجا اختلال... اوت بوملکـتده
 بوکا عادتاً بر «کورولتو» دینیوردی.

دوریش وحدتی ایجه بویوک بررول اوینامشدی.
 فرانسزجه براسم ایله چیقاردینی دینی غزتـه سنک سورومی
 اوتوزقرق بیکی بولمشدی. عادتاً بن بیله خلـقک اینامق
 ایچین غایت بویوک، غایت منطقتـسز بودالقلر آرادـیغنه
 قانع اولویوردم. عالی مکتبـدن چیقان، الکـمنور کـنجـلر
 بیله دوریش وحدتـنک یازیلرینی سـطری سـطـرینه
 اوقویورلردی.

هله طانیدقلرمدن برکنج تورک واردی. بویوچک
 بر مأموردی. اختلال کونلرنده مبعوثانده ایدم. اونک
 جبندن یشیل، آل ایکی بایراق چیقارارق:
 — یابو قازاجق، یابو...

دییه، شوخ، خوپیـا، سـوینـدیکـنی کوزمله کوردم.
 بو برکنج تورکدی. فقط ایده آل نامنه هیچ برشیشی

اولمادیغندن ارتجاع ، ظلمت ، جهالت ده اوکا خوش
کلپوردی .

وقعه لریمی یازیورم ؟ ... غزتله لک یازدیغی شیلری
یازمقده نه معنا وار ؟ بن کندی حسلریمی ، انطباعلریمی
یازمق ایسترکن خبرم اولمادن قالقیور ، وقعه نویس ، لک
ایدیورم . نه ایسه ... ایشته او فورطوناده کجدی ...
شیمدی راحت کیبی یز ... بوینه قاینالر ده کیشیور .
وکلایه کنج کنج عنصرلر کیریور ، طالعمر ، تورکیانک
طالعی تعین ایتک اوزره ... بن داهامسلکی تعیین ایتدم .
أرمنی فرقه لرینه می کیده می : او وقت برملیتیجی اولمایا .
جتمی بم ؟ حالبوکه بن عثمانلیلغه اعتقاد ایدیور ، اقتصاد
باغلرینک دین ، تعصب ، ملیت باغلرندن داهاقوتلی اولدیغنه
قانع بولونویورم .

۱۱ حزیران ۱۹۰۹ مودا ...

بوکون برتورکله قونوشدم. بنده چوق آی برتأثیر
براقدی. مطلقا آرامزده کچن لافلری یازمالیم. بو
ذاتک اسمی نیازی بک ... مشروطیتک اعلانندن سوکرا
اوروپادن کلش. غایت شیعیدی. باشنده فس اولماسا
بر اوروپالیدن فرق اولونامایه جقدی. حقوق تحصیل
پارسده بتیرمش، برنجی درجده دیپلوما آلمشیدی.
مبعوث میزقیانک اوندی بکاتقدیم اولوندی. بحث پولیتیکه
دوتجه بن «اتحاد و ترقی» حقنده کی شبهه لریمی سویلادم.
کندیسی نه حکومت فرقه سندن، نه ده مخالف، «مستقل»

ادعاسنده ایدی. او قادار ده کیشمش ، او قادار مدنیله ،
شمشدیکه «آه هر آوروپایه کیدن تورک بویله کلمه ...»
دییه دوشونویوردم. سوزلرینی بویوک بر دقتله دیکلهدم:
«اتحاد وترقیدن شبهه کز پک بوندر! دییوردی،
پان تورکیزم پان اسلامیزم، فلان آوروپا خیالپرورلرینک
افتراسیدر. برده بر مثل وارددر، بیلورمیسکیز،
«کیشی کیشی کنیدی کبی بیلیر.» آوروپاده مشئوم
صنعی بر جریان یاشار. ملیت، قومیت جریانی! اوراده
هر شیء ملیت رنگینه بویارلر. مثلاً فرانسلرک عرقچه
بر وحدتلی اولمادینی حالده او قادار ملیتپرور، او
او قادار ملیتده متعصبدرلرکه پارس قوکتلی بیله آلمانلرله
مناسبته بولونمازلر. آلمانیهاده هر شیء ملیدر. حتی
سوسیالیزم بیله ... بویله بر محیطده «حکم» لرده
ملی اولارقی ویریلیر. مثلاً رهنه پینون بر کتسابنده
«تورکلر، آلدقلری عسکرک ایچندن عرقچه تورک
اولانلری استانبولده» ادرنده، ما کدونیانک معتدل،
کوزل یرلرنده استیخدام ایدرلر، غیر تورکلری یمنه
فیزانه، اگ اوزاق یرلرده کونده ریئرلر. «دیور. حالبوکه
عثمانلی حکومتی تمامیه بونک عکسفی پامشدر. آناوودلر،
وعربلر هپ خافه اوردوسنه کلیرلر. ییلدیزک راحت
قیشله لرنده عسکرلکلرینی یاپارلر. یمنه، فیزانه،
ما کدونیه هپ تورکلر، یعنی آنادولو چو جوقلری
کیدر. حتی یمنه «تورک مزاری» دیرلر. شیمدی یه قارار

خاستالقله ، حربله بر میلیوندن زیاده آنادوللو تورکک
 یمنده تولدیکنی روایت ایدرلر. موسیو رنه‌پینون یالان
 سـویله‌مک ، بزه افترا ایتمک ایسته‌میور . اونک کندی
 منطقی تورکک بویله یاممسی ، یعنی ایمپراطورلنک فنا ،
 اوزاق یرلرینه غیر تورککری کوندرمسـنی قبول
 ایدیور. بزمده بویله یابدیغمزه حکم ایدیور. چونکه
 فرانسه‌ده بر قاج عنصر اولسه اونلر مطلقا ایلك پشین
 فرانسزلی دوشونه چکلردر. کذالك بو عصرده اسلاو
 اتحادی ، جرمان اتحادی ، لاتین اتحادی اوروپا
 سیاستمک آنا خطریدر. هپ بو اوچ ایده آل اطراقنده
 اونلرک پولیتیکاسی ثابت ، متحول شـکلر آیر. بویله
 ایده آللرک دوغدینی محیطده انسانی ، نجیب بر سیاست
 دوشونوله بیلیرمی ؟ آوروپالیر هر ملتی کندیلری کبی
 صانیورلر. تورککده « تورکک » دییه بر ملیتلی .
 تاریخلری ، امللری اولدیغنه احتمال ویریورلر .
 یا کلیورلر. چونکه حسـلریله محاکمه ایدیورلر. بزه
 دائر هیچ تدقیقات یامادن ، هیچ بر تورکک عقلندن
 کچمه‌یهن « پان تورکیزم » خیاللرینی ایدوروورلر .
 صـوکر اسزک کبی ایچمزدده یاشایان ، بزم ایچمزی
 طیشمزی بیلن خریستیان وطنداشلیمزدده آوروپا خیال
 پرورلرینک دوزدوکلری بویالانلره اینانیورلر. وطنمزدده ،
 یاشادیغمز مملکته کیم « تورکیا » دیر؟ یالـمکز آوروپالیرله
 آوروپا غزته لری بومعناسز اسمی چیقارمشدـر. ایشته

تنظیمات معارفی میدادند ... هیچ بر مکتب کتابنده ،
 هیچ بر جغرافیا کتابنده « تورکیا » دییه بر مملکت اسمنه
 راست کلیه جکسکز. اوروپای عثمانی ، آسیای عثمانی ،
 افریقای عثمانی « صوگرا هپسنه بردن و ممالک عثمانیه »
 دیرز. کندی تاریخلری بکزی طبیعی بیلیرسکز. برده
 بزم مکتبلر بمزده اوقوتدیغمز تاریخلره باقیکز. بر
 « تورک » کله‌سی بولامایا حقسکز. یوندن باشقا بزم
 تاریخلرمز بالخاصه تورککک علیهنده ترتیب اولونمشدر .
 هلاکو، تیمورلنک کبی دنیانک اُک بویوک جهانگیرلری
 صرف تورک اولدقلری ایچین، کفرلر . لغتله تاریخلر-
 یمزده یاد ایدهرز. صوگرا سزار ، اسکندر ، ناپولون
 حقنده تاریخلرمز احترامده قصور کوسترمزلر . حتی
 بونلر ایچین شاعرلریمزک بمضلری شعرلر بیلک تنظیم
 ایتمشلردر. هله اسکندر ادبیاتمزده عادتاً بر تلمیح اولمشدر.
 هر ملنک شاعرلری کندی ملیتلیری ، تاریخلری ،
 غنچهلری ترنم ایدهرلر. بزم شاعرلردن نه یکیمی ، نه
 اسکیمی ، تورکککه دائر بر کله یازمادقلری کبی کندی
 ملیتلردن بحث ایجاب ایدنجه « انرا بی ادراک » دیمشلردر.
 ممالک تهرک صوک شاعری توفیق فکرت مشهوره رباب
 شکسته « سنده علاج ایچین اولسون بر « تورک » کله‌سی
 کچیرمه مشدر، محمد امین بک عثمانیلرجه بر فائده زیستن
 باشقا بر شی دکیلدر . ایشته کندی ملیتی تاریخله ،
 معارفله ، ادبیاتله بوقادار انکار ایچش بر ملت کندی ملیتی

اساسنه مستند بر «الحاده» ایده آلی یابیلیرمی؟ اوروپا لیلر
 بزی تدقیق ایتمدکلرندن بویله بر ایده آلک وجودینه احتمال
 ویره بیلیرلر!... آرا مزده کیلر بوقادار صافلق کوسترمه.
 ملیدر. مملکتیمزده «تورک، تورکلک، تورکیا، تورکیات»
 کلمه لرینک مدلوللری اولمادیغی کی «تورکجه» دییه ده بر
 لسان یوقدر. بیلورسکیز که له نکو ویستیک علمی
 «هر لسان بر لساندر» دیر. بز عثمانلیلر بوقاعده یی
 عصرلرجه اول بوزمشنر. یکی صنی بر لسان یار آتمشنر.
 تورکجه صرفی، تورکجه نحوی یالکیز عوامله قادینلر
 قوللانیرلر. متفکرلریمزک، عالملریمزک، ادیبلریمزک، ایریجه
 «عثمانلیجه» نامی تحتنده اوچ لسانک اتحادندن مرکب
 بر تخریر لسانی واردر. بولسانده اوچ لسانک کلمه لری،
 قاعده لری بولونور. واقعا هر لساندن هر لسانه کلمه لر
 کجه بیلیر. مثلاً انگلیزجه نک بر چوق کلمه لری فرانسه زجه در.
 فقط انگلیزله شمش، انگلیزجه قاعده لرینه تابع اولمشلردر.
 عثمانلیجه ده ایسه عکسی... عربجه کلمه لری عربجه، عجمجه
 کلمه لر عجمجه قالمشلردر. عوام، قادینلر بونلرک
 تلفظلری بوزارق تورکجه نک سلیقه سنه، تجویدینه کوره
 ده کیشدیردکجه «غلط» نامی تحتنده همان عثمانلی عالملری
 تصحیح ایده لرلر. صوکر ا دنیا نک هیچ بر لساننده اولمایان
 بر حادته... عثمانلیجه یه، عربجه، عجمجه قاعده لر ادا تلمده
 کیرمشدر، «بر لسانه طبیعتیه مخالف، یابانچی لسانلردن
 آلتما صرف، نحو قاعده لری قونولماز. چونکه لسانلر

بر (مؤسسه) اولدیغندن ده کیشدیر یله مز « دینلرک یالانلری میدانه چیقمشدر. تورکجه نك اساسنده « مذکر لک مؤنشلک ، یوقکن عربجه نك بوتون مذکر ، مؤنشلک قاعده لرینی ، تطابقلرینی عجمجه نك ترکیب قاعده لرینی ، اداتلرینی قبول ایتمشز. هر نه قدر کویلولرله عوام ، داهادوغروسى خلق بوضعی ، بوزنکین لسانی قبول ایتمه مشلر سه ده شاعر لر ، ادیب لر ، حکومت بوموضوع « عثمانلیجه » لسانی یازمشلر ، قونوشمشلر در. کنج ادیب لریمز لسانی داهایا زیاده مغلقلار. شدریورلر ، بو خصوصده فکرتک ، فائق عالینک ، سلیمان نظیفک ، بالخاصه حسین دانشک بویوک خدمتلی سبقت ایتمشدر . عثمانلیجه ، ایلک واضعلرینک ، اسکی شاعر لرک ، ترکیسینک لساننه دوغریا قلاشمغه باشلامشدر. ادبیاتده براز ده افعالیت اولسه بر قای سنه یه قادار ، ناصیل سه قالان تورکجه کلله لر ، صفتلر ، فعللرده تحریر لسانندن قالدریلاجق ... « اتحاد » ایچین برنجی واسطه لساندر. کندی لسانی بویله ئوندورمکه ، قطعاً ملی ادبیاتی سطرله کیرمه مکه عهد ایتش بر ملت ناصل اولورده ملتداشلریله برله شه بیلر ؟ عثمانلیلر « ممالک عثمانیه » نك خارجنده کی تورکلری اصلا طانیازلر . اونلرله هیچ بر مناسبتلری یوقدر . هم اولامازده ... آرتیق سویله یکز « تورکیزم » افتراسی قادار بودالاجه بر افترا اولورمی ؟ بعض سیاسی فرقه لرک تورکچیلک کی اساسمز بر ایده آلی اولسه بیل عثمانلی حکومتی دائما عثمانلی فالاجق ،

« عثمانلیلق » خارچنده خصوصی برملیت طانیایا جقدر .
عثمانلیلق سیاسی بر ملیتدر . تاریخله ، غنغنه ایله هیچ
مناسبتی یوقدر . تنظیمات ایله برابر تأسیس ایدیلشدر . بو
واقع ، بوتاریخسز ملیت صوگ درجه ترقیه ، انکشافه
مساعددر ... مختلط عنصرلردن بر ملیت ... زمان ،
مشروطیت بو حادثه‌یی دوغوراجق ، تاریخسز اولونجه
طبیعی تعصبسز قالاجق اولان بو عثمانلی ملینی یاریم عصر
ایچنده دیو آدیملریله تعالییه ، ترقیه یوکسه‌له جکدر .
شرقده هنوز هرشی حکومتمدهدر ، باب‌عالینک تأسس ایمش
روحی اوپله قوی ، اوپله دینجدرکه ، ایشته سزی تأمین
ایدیورم ، نه اتحان اسلامچیلرک ، نه تورکچیلرک هیچ بر
ایده‌آلی اورایه حلول ایدمیز . عثمانلی حکومتنک شعاری :
« بلا تفریق جنس و مذهب » ترکیبتک ایچندهدر . هله
بر تورک اصلا بر روم ، بر ارمنی ، بر آناوود ، بر
بولغار ، الخ ... کی تاریخلی ملیتی نامنه آک کوچوک
بر حق بیله ادعا ایدمیز . « تورک » لفظی قانونلردن ،
تاریخلردن ، جغرافیالردن ، حتی بوتون دماغلردن
سیلنمشدر . عثمانلی ، عثمانلی ، عثمانلی ... حکومتنک
یورودیکی بوغایه اوقادار تجیب اوقادار انسانیدرکه بونی
آکلامق ایچین تنظیماتک انسانیتچی ذهنیتنی آراشدر مق
ایستر . تنظیماتده تاریخ ، کین ، غرض ، ، ملیت یوقدر ،
اکر حقیقی عثمانلیلق تأسس ایتسه دنیا تک جنقی وطنمز
اولور . اما بوکا یالکیز باب‌عالینک غنغنه‌سی موفق اوله ماز .

.... نیازی بک ایتی ساعت سویله دی . عثمانلیاغک
 قیمتی آکلارکی اولدم . تورکلر حقیقته " ملیت ادعاسنده
 دکیلدیلر . دینی تعصبلی معارف ایلرله نیجه ، یعنی ترقی
 باشلار باشلاماز اوچوب کیده جکدی . بو کورولویوردی .
 هم بو نه حالینجا بلقدی ؟ تاریخندن ، غننه سندن واز
 کیمک !... شمدی خاطر لایوردم . سوزده تورکلرک
 ایچنده اُک ده موقرات ، اُک میلپتروراولان احمد مدحت
 بیله مشروطیتک ایلک کونلرنده نشر ایتدیکی بر مقاله ده
 پادشاهک خاندانندن باشقا تورکیاده هیچ بر تورک عابله
 بولونمادیغنی یازیوردی .
 نه تضاد یاربی ! حالبوکه بز کوردلرک بیله ارمی
 اولدقلرخی ادعا ایدم رز .

۱۵ تموز ۱۹۰۹ ، مودا ...

بو کون واپورده نیازی بکه راست کلام . ینه
قونوشدق . بو آدام بکا « عثمانلیاق » آبدہ سنک یکانہ
صنعتکاری کبی عالی ، معصوم ، نجیب کورو نوپور . ھلہ
فرانسزجہ قونوشورکن اوقادارنازک ، اوقادار کبارکہ ...
آد بوقابا تورکجہ اونک آغزینہ یاراشمایور . بکا :

— یاقیندہ بر جمعیت تشکیل ایدیورز ، دیدی ،
« بلا تفریق جنس و مذہب » هرکس کیرہ بیلہ جک .

— سیاسی بر جمعیتی ؟

دییہ صوردم :

— اولاعلمی ، اجتماعی ... صوکرآ ، یعنی تکاملندن

صوکرآ سیاسی ...

كولدم ، ايشته تور كياده ده مختلف جريانلر باشلامق
اوزرميدي . تكرر صوردم :

— غايه كز نه اوله جق اقدم ؟

— عثمانليق ...

— عثمانليق اولان برشي ... وارا اولان برشي ناصيل
برغايه ، برهذف اولاييلير .

سياه كوزلري پارلايور ، يوزنده محزون ، فقط
قطعي برعزمك عكسي كولكهله نيوردي .

— موجود « عثمانليق » يالاندن باشقا برشي دكيلدر ،

ديدي ، روملك بطريقه خانه سي وار ، آيري لساني وار ،
آيري مکتبلي وار . ارميلرك كذا . بولغارلرك كذا .

صربلرك كذا . عربلرك كذا . آرناوودلرك ، سائر

عثمانيلرك ده اويله ... او حلاله نره ده حقيقي ، « بر » ،

« يکپاره » ، يکوجود « عثمانليق » ؟ باب عالي بو آيريلني

انكار ايدييور . آما كورهن بر كوزدن بو حقيقت

صاقلانيلاماز . تنظيماتك ياراتمق ايسته ديكي « عثمانليق »

داها دوغامامشدر :

— فقط او ناصل دوغاييلير ؟

ديه صوردم .

— بوتون عنصرلري قايناشديروب يرله شديرمه

ايله ...

— بوني ممکنني ظن ايدييور سکنز ؟

— تماميله ...

دوشوندم . نیازی بک بو ظننه بوتون موجودیتله
اعتقاد ایتدیکی سوزلرینک قطعندن اکلایشیلوردی .
دوام ایتدی :

— اکر عثمانلیقده کی بوتون عنصرلرک قایناسا-
جغندن ، بر اولاجغمدن ، بر آن شبهه له نسهم عثمانلیقی
اساسندن انکار ایتش اولمازمیم ؟ ... «بلا تفریق جنس
ومذهب» بونه دیمکدر بیلورمیسکیز ! «هیچ بر جنس ،
هیچ بر مذهب یوق ، یالکیز عثمانلیق وارا» دیمکدر .
تنظیمات جنسک ، مذهبک آراسنده مساوات اعلان
ایده رک ، اولرک یا هیچ اولماسنی ، یا خود بر اولماسنی
ایسته مشدر . بو بویوک املی یالکیز کاغدلره یازمش .
قانونلره کچیرمش . یعنی خیالده براقش . فعله چیقاراماش .
مثلا او یکپاره ، یکوجود «عثمانلیق ایچین تک بر لسان
تک بر ملیت ، تک بر دین ، تک بر تربیه ، تک بر تاریخ ،
تک بر معارف ابداع ایده مه مش .

— لاکین بونا صیل ممکن اولوردی ؟

— بک اعلا ممکن اولوردی ! اکر ممکن اولماسایدی
«عثمانلیق» یالانی اختراع ایتمکدن نه فائده چیقاجقدی ؟
حقیقته بنده دوشوندم . عنصرلرک هپسنی قاینا-
شدیروب تک بر لسان ایله قونوشدورمادن ، تک بر تربیه
ایله ، تک بر معارفله یتشدرمه دن : یکپاره ، یکوجود
بر مؤسسه تأمین اولونامازدی ؟ اوت مطلقا تنظیماتحیلر
بو خیالی حقیقت یا باجقلرینه قائلدیله . ایلك دفعه کندیلرینک

منسوب اولدقلری تورک ملیتی، تورکاره اونوتدوردیلر .
 «تورک» کلمه‌سی تاریخلرندن ، ادبیاتلرندن ، «تورکیا»
 کلمه‌سی جغرافیادن قالدیردیلر . ایشته موفق اولدیلر .
 دیمک بر ملت کندی مؤسسائی ، عنعنائی ، لسانی ،
 حتی ملیتک اسمنی بیله اونوتابیلمیش . نته کیم همدی
 چاووش بکا «تورک اولمایوب مسلمان اولدیغنی» سویاشدی .
 تورکار حاکم ایکن بویله ملیتلرینی ترک ایدوب مرضوع ،
 واقع «عثمانلیق» ملیتی قبول ایتدکلری ، هم ایچلرندن
 هنوز کیمسه بوکا اعتراض ایتدیکی حالده دیگر مللر
 نچین اونلری تقلیددن کیری قالسینلر ؟ ...

دوشونویورم . بوند توحاف اولاجق ! فقط بو عینی
 زمانده نه انسانی ، نه مدنی ، نه معاصر بر ملیت اولاجق ؟
 یکی بر لسانله ، یکی بر اخلاقله ، یکی بر غایه ایله ، یکی بر
 دین ایله ، یکی بر تربیه ایله یوکسه له جک اولان یکی «عثمانلی»
 ملیتی احتمال ارضه عمومی مشترک انسانیت دینک
 واضعی کبی سعادت ، تعالی مشعللری طوتوشدیراجق .
 دوشونویورم ... «آه ، بو خیال حقیقت اولسه ...»
 دیورم .

۱۸ آگستوس ۱۹۰۹ مودا ...

هوا او قدار صیجا قکه ... باشم آغرییور. عینی زمانده
دهشتلی بر نزله نك کورونمه ز گملری آلتنده نفس
آلامیورم . شیمدی نیازی بکدن بر مکتوب آلام .
فکرلرم قارما قاریشیق ! بوغوجی برقرار سزلق بحرانی
کچیریورم . عجباً بنده ملیتپرور ، بنده خبرم اولمادن
محدود بر آدام ، بویوک انسانیت فکریخی احاطه دن عاجز
بر شوو ن مییم ؟

بومکتوبك اصلی صاقلایاجم . شاید قایب ایده رسهم

دیبه بورایده قویا ایدیورم :

۱۷ آگستوس ۱۹۰۹ ، پانقالی

« عزیزم موسیو هایقیان ،

« کچن آی واپورده سزه بحث یتش اولدیفه جمعیتی تشکیل ایتدک . قلوبم زده آچیلدی . حکومت ایسته دیکمز مساعده یی هیچ کجیکدیرمه دی ، ویردی . پروغراممز ، اساسلریمز باب عالینک بوتون مقداومتلره رغماً تعقیب ایتمک ایسته مه سی لازمکلن غاییه چوق موافقدی . اوت یینه بلاتفریق جنس ومذهب ... حکومت ویردیکمز بیاننامه ده شو نلری یازدق :

۱ — « عثمانلی قایشاشما » قلوبنه « بلاتفریق جنس و مذهب » هر عثمانلی کیره جک .

۲ — عثمانلی نامی آلتنده طویلانان ملیتلره عمومی ، مشترک برترییه ویرله جک ، تورکک کبی سائر عنصر و ملیت حسلری یاواش یاواش ابطال اولونا جق .

۳ -- « عثمانلی » وطنک براسکی تأمین ، یکی بر « عثمانلی » وطنلیکی احداث ایدیله جک .

۴ — بوتون عثمانلیلره عمومی ، مشترک برلسان اوکره تیله . جک ، بو عمومی عثمانلی لسانی عثمانلی معارفنک ، ادبیاتنک ، علمنک لسانی صایینلا جق .

۵ — مکتبلرده عثمانلیلق خارچننده هیچ بر قومیتیه ، ملیتیه قیمت ویرله یه جک . عثمانلی مملکتی چوقوقلری کندی اُسکی ملیتلرینک قومیتلرینک تاریخین ، ادبیاتین اوکره نیمه جکار .

۶ — قلوبم زک غاییه سنه وصول ایچین غرتلر ، رساله لر جیمقاراجق ، قونفرانس لر ویره جک . الملك آدم اولارق « اذابه عناصر » شعبه لر ی آچاق خلق آراسنده کی متقابل دینی تعصب لریک ، ملی اشتیاق لریک سوندورلسنه چالیشیلا جق .

فقط بو اساسلر اوزرنده یوریمک دکیل ، حتی بونلره یافلاشمق ایچین چوق بویوک غرتلر ایستور . شیمدی ایدمه آزی علم ، فن نقطه سندن تدقیق الله حرکتیه شلا یاحفز . قلوبم زک اداره هیئت ، علمی انجمنده بالیکر تورک عثمانلیلردن دکیل ،

روم، یهودی، لهوانتهن، عرب، بواغاردده وار. بن اداره هیئتنه، انجمنه ارمنی اولارق سزك کیرمه کزی آرزو اید بیورم. آرقداشلر مه فکر می سویله دم. سزك کوردیکز عالی تحصیل یاربیک کی مشترک انسانیت بر نمونه اولاجق. «عثمانلیق» ایده آلی ناصیل نجیب بولدو غکز ی آکلادم. آرقداشلر مزك ایچنده هیچ مجهول کیمسه یوقدر. ناموسلرینی، عرفانلرینی بوتون عثمانلی مملکتی طانیر، سزده طانیر سکنز. بایکز:

دیبا باندیس افندی

نیکفور آنکلاف افندی.

نیقولایو یچ افندی.

فراسارلی نادر بک.

موئیز بوری افندی.

صالح العینی افندی.

جام الکوردی بک.

لوئی دوران بک.

سعدالله بهجت بک.

حسن رودی بک.

شاعر صاعد بک.

جلیل منعم بک.

خوجا یای افندی.

دوقتور اثرالله ناطق بک.

بویوک املمزك انتشارینه اشتراك ایستیمورسه کز ایکی سطرله موافقه کزی یازیکیز. اوکمزده بازار ایرتسی کونی سلیمانیه جاده سننده کی «۱۰» نومرولی لوبه تشریف بیوریکز. باقی امید...

«عثمانلی قایاشما» قلوبی

مونت کابی

نیازی

نه یازسه م! اوتمی؟ خایرمی؟... بو کون عقمه باشمده دکیل. راحتیم بر از دوشونیم. ذاتا هم نه موافقت هوپاللق اولمازمی؟

۲۰ آگستوس ۱۹۰۹ مودا ...

راحتسزایم درام اییدیور . نزه ظن ایتدیکم شی
«تو بر «قورباتور ...» مش . بو صیجاقدہ نرده
صوئوق لمشم؟ ... عقم ایرمیور . یارین برازقالقابیله جکم .
دوقتور :

— یات ، هیچ دیشاری چیقما ...

دیور . بو اونلرک عادتیدر . آبی اولورسه م نهیه
محبوس قالایم ؟ ذاتاً بازار ایرتسه نه آجه وار . نیازی

بكه شيمدى جواب يازدم . « عثمانلى قايناشما » قلوبنه
 كيره جكم . ايكي اوچ كون نافله دوشوندم . بويله بر قلوبه
 كيرمكده هيچ بزر محذور يوق . لا كين بزده « وهم »
 بر عات ، خاير ايكنجى بر طبيعت اولمش . حالا كندى
 مليتلىرىنى چوقدن ترك ايتمش اولان زاواللى توركلردن
 چكيمينمك بو حقيقتة معناسز ... هم بوقلوبده تورك
 اولمايان يالكنز بنمى يم ؟ روم ، آرناوود ، صرب ، عرب
 حاصلى هر ملتدن وار . بنم مليتم تهللكيه اوغرار سه
 اونلرك كى ده اوغرار ...

۱ أيلول ۱۹۰۹ ، مودا ...

داها ائى اولامادم . « عثمانلى قايناشما » قلوبى اعضالردن
 نه قادار تورك وارسه هپسى مکتوبله خاطر مى صورديلر .
 ديكر قوملردن اولان اعضالر هيچ آدير ميورلر .

۲۱ تشرین اول ۱۹۰۹ مودا ...

بوکون قلوبه کیتدم . بنی حرارتله قبول ایتدیلر .
بنا غایت بویوکدی . اشیا پک محشمیدی . نلوبک مصرفی
تورک اعضالر عهده لرینه آلمشلر . نیازی بک غالباً چوق
زنکین . اجتماع صالونی کوچوک بر سرای دیوانه
بکزیوردی . اوشاقلرک هپسی رسمی البسه لری کیمشلردی .
اجتماع حقیقه علمی ایدی . « اجتماعي مؤسسه لری
کندی کنهینه می تأسس ایدر ، یوقسه تأسیسه می ایدیلیر ؟ »
مسئله سی موضوع ایدی . هر کس سویله دی . حقیقه
اعضا شمیدی به قدار کوردیکم آدم لریک مکمل لری ...
مناقشه دن بر نتیجه چیقما دی ، داغیلدی . رئیس
صاعد بک ... بو چوق ده کرلی بر آدم ؛ حقیقه شعاری :

ملتم قوع بشردر ، وطنم روی زمین

اولان بر عالم ...

۷ مارت ۱۹۱۰ . مودا ...

آتی آی نه چابوق کچمش ... بنم ایشلرم بوزولمغه
باشلادی « عثمانلی قایناشما » قلوبنه منسوبیتمی بزمکیلاردن
کیمسه نك دویدینی یوق ... چونکه بز هیج کورولتو
یایمورز. هنوز نه غزته، نه رساله نشر ایتدک . مذا کره-
لریمزدن دائما ثابت بر نتیجه چیقمايور . باشلادیغمز
ایش اوقادار بویوک ، اوقادار مشکل که کئندم ایچنده
اولماسم . « بو آنجاق بر خیالدر ، دییه جکم .
فقط نیازی بکک برسوزی هیج قولاهمدن چیقمايور :

اولماز اولماز ، دییه ، اولماز اولماز
کوزدم عالم امکندر بو ...

۱۱ مایس ۱۹۱۰ . مودا ...

آه کوزهل استانبول ... آرتق سکا وداع ایتک
ایجاب ایدیور . بر هفته یه قادار مارسیلیایه کیدیورم .
سکسهن لیرا معاش طوراقیان قونپانیه سنک وکیلی
اولدم . نیازی بک حرکتمی ایشیتدیکی وقت :

— بز سکا بومعاشی ویریرز ، قال ...

دیدی . حقیقه نه غریب ، فقط نه زه نسکین آدم ...
قبول ایتدم . مایوس اولدی . هیچ اولمازسه مخابر
اعضا اولمای رجا ایتدی .

شیمدی یه قادار اوروپاده یاشاماشدم . باقالم او حیات
ناصیل ؟ .. مع هذا بو او دامی بر اقامایاجم . هر فرصته
نوشاجق ، ینه بومنظره یه ، بو سکون ، بوشعر ایچنده
اویویان فنه ره قاووشاجم :

ایک تہمت

۲۳ نیشان ۱۹۱۲ مودا ...

دون استانبوله کلدیم. دوغزو اودامه قوشدم. آه
ایشته ینه یاز... روپنیا نلرک باغچه سی ینه جیمچک ایچنده ...
سیاسیات پاطلامش بر انم ایکره نجاییکله مملکتک هر
طرفی صارمش ... قاپلامش، صانکه ایکی سنه چکمه مش.
بز، دون بورومه کیتشم. بز صباح یدی و پوریه اودامه
کلشم ... اوت حیات، رؤیادن باشقا بر شی دکیل.
کتابلریمی دوزه لتدم. قولتوغمی ینه پنجره نک یانسه چکدم.

طبیعی آسکیدی کی ... شیمدی ایکی سنه کیری یه دونمشم ،
ایکی یاش داها قازانمشم صانیورم ...

بو توخاف ، بو معصوم حسله دفتریمی بولدم ،
یازدیغم یکریمی اوتوز صحیفه یی اوقادار لذتله اوقودمکه ...
یحین هر کون یازمامشم ... یازیق ، یازیلایان کونلرم ،
وقعه لرم ماضینک ایچنده قایب اولمش . حالبوکه ایشته
یازدقلرم ... اولردیب دیری دورویور . اوقودقجه تکرار
یاشایورم ...

عجبا « عثمانلی قایناشما » قلوبی ده دورویورمی ؟ ..
کیتمسم نیازی بکی کورسهم ...

یورغونمی یم ؟ بر تورک کی کدرینیور : « یارین
انشالله ... » دیورم . فقط عجله سی نه ؟ یاواش یاواش ...
تورکیانک حیاتنده کی شعار « یاواش یاواش » در .
شیمدی جیقاقیم ، ایکی سنه در کورمدیکم آیدیناق
سوقاقلری ، رؤیالی ساحلاری کزهم . طاتلی ، سرین
روز کارلری قوقلاییم .

۲۸ نېسان ۱۹۱۲ مودا

دون قلوبه کیتدم . مذا کرمیه داخل اولدم . ایکی
سنه در اعضا ییرمی دفعه اجتماع ایتمش . هیچ بر مثبت
نتیجه چیقارما مشلر . کاتب عمومی نیازی بک :

— شیمدن صوکرآ آیده ایکی دفعه طوپلانا جغر .

دیور . نیم آرتق استانبولده قالا جغمدن ، مارسیلیایه
کیتیه جگمندن چوق منون ... انجمن اودا سنده کنديسیله
اوزون اوزادییه قونوشدم . ایلک اجتماعده قطعی
پروگرامک قرارلاشدیرلمسی لازمیش ... اولاسان
مسئله سی ... لسان ایچین ایکی سنه در سوز سویانمش .
کنديسی « اسپرانتو » لسانک قبولنه متایل ... اعضادن
بعضلری لاتین لسانی ایستیورلر مش .

۲۴ مایس ۱۹۱۲ مودا

دون دییاماندیس ایله کوروشدم. توقاتلیانده بر
آرقاداشنی بکلیوردی. «عثمانلی قایناشما» سنک لسانی
«أسپرانتو» اولورسه بونی هپسنک قبول ایدوب
ایدهمه جکلرینی صوبدم، کولدی :

— تورکلرک ذاتاً لسانلری یوق، دیدی، اونلر بلکه
قبول ایده بیلیرلر. فقط روملرک بش اون بیک سنه لک
مکمل لسانلری، ادبیاتلری وار.

هیچ ارمنیار ارمنیجه یی براقیرلرمی ! بنده بونی
دوشوندیم ،

۳۰. حزیران ۱۹۱۲ مودا

بن انجمنه ده دوام ای دیورم. شیمدی فرقنه واردم.
اجتماعلرده عرب ، روم ، آناوود ، صرب ، بولغار ،
اولاح ، یهودی ، اعضالر بولونمورلر. بز سکسز کیشی
ایله مذاکره لریمزی یاییورز. تورک اعضالرله ... بنده
آرتیق بو قاینامش « یکپاره ، یکوجود » عثمانلیلق
ایده آلنک حقیقتدن چوق ، آما پک چوق اوزاق بر
خیمال اولدیغنه قائل اولدم. اعضانک یاواش یاواش
قچیشمالرینه سبب نیازی بکله صاعد بکک عامی
نظریه لری اولدی، بو ذاتلر دییورلرکه :

« عثمانلیقی ایچنده آیری آیری جماعتلر وار. بو جماعتلر فردلرینک آرزولرینی یوتارق قومی ارادهلر دوغورمش، عثمانلیقی قایناشدیرمق ایچین فردلری جماعتلرندن آیرمق لازم. فرد جماعتلرندن آیریلیر، یعنی ارادهسز قالیرسه او وقت اوکا یالکیز کندی « آرزو » سی حکم اولور؟ فرد منفعتلرندن باشقا بر شی دوشونمز. بویله یالکیز کندی آرزولری، یالکیز کندی منفعتلریله یاشایان فردلر اقتصاد باغلریله طویلانیر، عثمانلیقی تشکیل ایدهلر. اونک ایچین ایلک هجوم اولوباق نقطهلر جماعت مؤسسسه سنک دیره کلری اولان ملیت، دین، اخلاقدر. بو دیره کلر بیقینجه فردلر کندی عضوی آرزولریله قارش قارشیه قلاچقلر ... »

منسوب اولدقلری جماعتلردن آیریلق غیر تورک اعضالردن هیچ بریسنک ایشنه کله دی. قلوبه اوغراماز اولدیلر. بن اصرار ایدیوم. مذا کره لری هیچ قاجیر - میورم. بوتون قرارلرده امضام وار.

کورویورمکه بو تورکلر ناموسسز آداملر دکیل. فقط هپسی ایده اولوغ ... « عثمانلیق » وهمی اونلرک بوتون منطقلرینی، محاکمه لرینی اویوتمش.

۵۰ . نۆز ۱۹۱۲ . مودا

ایکی سنه اولیکی فکرلرم بوکون تمامیله ده کیشمش
بولونویور. دون دفتریمك باش طرفلرینی اوقودم. آمان
یاربی ! بن ، دیقراں هاییقیان ، باباسی ارمی ملیتک
باشدن جانلانماسی ایچین آلهوله ن اختلالده عاملک
ایده رکن ثولدوروله ن ئوکسوز ، بر آن ، عثمانلیغه
ایناشمش ها ...

« عثمانلیق » نه در ؟ قایناشما فلونی بونک معناسی
بکا او کرتدی :

۱ — عثمانلی نامی آلتنده یاشایاجق تورک مورک
هانکی ملتدن اولورسه اولسون ، ملتله کندی ملیتلرندن
واز کچه چکلر .

۲ — دینلرندن ، مؤسسهلرندن ، لسانلرندن ،
یاواش یاواش آیریلانچکلر .

۳ — جماعتلرينك الهام ايتديكي « اراده » لری
صنعی بر نسیان ایله اونوتاراق یالکیز فردی ، یالکیز
شخصی ، عضوی « ارزولریله » یاشایاجقلر .

۴ — « عثمانلی » نامی تحتنده برلشهرک یکی ، تاریخچسز
برملیت حصوله کتیره جکلر .

بونلرک هپسی اوقادار بوش ، اوقادار امکانسز
شیلرکه ! « عثمانلی - قایناشما » قلوبی اعضالرينك ناصیل بویله
چو جوقجه برفسکره قاندقلرینه شاشیورم . بو آداملریالکیز
منطقلریله ایش یامق ایستیورلر . بیلیمورلرکه تاریخده ،
اجتماعیاتده منطق ایش کورومز . طبیقی فرانسز انقلابچیلری
کبی دوشونویورلر . اونلرده منطقه برشی یاییورز ظن
ایتمشلر ، دینلرینی ، تاریخلرینی ، حتی سنه لرك اسملرینی
بیله ده کیشدیرمشلردی . چوق سورمه دی ، منطقاری ده ،
کندیلمی ده پریشان اولدیلر . اونلرک غایه سی « انسانیت »
ایدی . « عثمانلی - قایناشما » قلوبنك اعضا - الرنده کی
ایده آل ده آشانی یوقاری یه « انسانیت » فکری ...
تورکیاده کی عنصرلرده ، فردلری بربرینه .. شخصی
منفعتلک پک فوقنده قدسی بر احتراض ایله - دشمنان
ایدن جماعت روحلرینی تولدورمک .. خصوصی موضعی ،
جغرافی برین - المللیت تأسیس ایتک ...
یارینینه اجتماع وار . بن بو سفر براز اونلری
خیر پالامق ایستیورم .

۲۸ تموز ۱۹۱۲ مودا

اولکی کون هوا براز باغمورلو ایدی. قلوبك اجتماع
صاوغونده هپسنى حاضر بولدم. هپسى دینجه ، یالکیز
تورکری دیمک ایستیورم. آیلر وازکه نه دییاماندیس ،
نه آنکه لوف ، نه نیقولاولیخ ، نه ده دیکرلری قلوبه
اوغرییور .

روزنامه ده لسان مسئله سی واردی .
دوقتور اثرالله ناطق لاینجه ایله عبرانیجه دن
بریسنگ قبولنی تکلیف ایدیوردی . بالخاصه :
-- عبرانیجه ، اُک مکمل لساندر !

دیوردی . لاینجه یی حسن زودی بک ایستیوردی .
بونک کوزاسکلی کنج بز بک ... غایت شیق ، دیکر

ارقاداشلری کبی زنکین . عینی زمانده محرر . هر اون
 بش کونده بر بشیوز صحیفه لك کتاب نشر ایدیوردمش .
 — لاتینجه هر نه قادار پاشامیورسه ، جانلاندیرا .

بیلیرز . باشند لسان آرامغه نه حاجت ؟

دیور ، سعاد بهیجی کندینه اُک صادق بر معین

صایوردی .

خوجا بالی افندی اعتراضی ایدیوردی . بو ذات
 بزم قلوبه کلمه برابر مدھش بر پولیتیقاجیدر . « اتحاد
 عناصر » خصوصنده اونک قادار ایلری کیتمش داها
 کیمنه یوق . ملیتپرورلرک امان ویرمز بر دوشمانی ...
 اونک فکرینی خلاصه ایدیم : « دینلرک مقصدی انسانلری
 مسعود ایتمکدر . بزخوجالر صائبه روحانیلریله ، حاحاملرله ،
 خریستیان راهبیلریله ائتلاف ایتلی یز . تعصب آرادن
 قالفار . الله ما امکه بر ، دینلر یچین برقاج دانه اولسون ؛ »
 خوجا بالی افندی بو فکرینی استانبول مطبوعاتنده ده
 نشر ایتدی . هیچ بر طرفد اعتراضه دوچار اولما-
 دیغندن آکلادمکه پولیتقا هیجانلری آراسینده تورکار
 تعصبلرینی ده اونوتمشله . او دیورکه :

— بو کونکی ادبیات لسانمز اولان بو عربجه نك .

عجمجه نك قاریشماسیله حاصل اولمش عثمانیجه مقصده
 کفایت ایدره . اوچ لسانک منبعلرینی ؛ قاعده لرینی کندینک
 عد ایتدیکی ایچین دنیانک الک بویوک لسانیدر .

جلال منعم شاعر حامد بک ده بو فکرده لر ... یالکیز

اونلر عثمانلیلی تشکیل ایدن بوتون قوملرک لسانلرندن ده
کلمه لر ، قاعده لر آلمیسی ایستیورلردی . دو قنور اثر الله
ناطق تورکیانک الک عالمی ، اک بویوک فیلسوفی اولمق اوزر ،
طانیلیر . حتی بر عثمانلی اقاده میسی آچیلسا مطلقا او
رئیس اولاجق . شیمدی اوده تورکیاده بوتون ملتلرک
لسانلرندن مرکب بر عثمانلیجه تأسیس ایدلمیسی ترجیح
ایدیور ،

— ذاتاً تورکلرک لسانی یوقدر . اونلرک قاموسلری
عربجه ، عجمجه در . ایجاب ایدن کلمه لری اصطلاحلری
هپ بو عرب ، عجم قاموسلرندن آیلر .

دیوردی . حتی داها ایلری کیدیوردی : مادام که
عثمانلیجه باشدن تنظیم اولونا جق ؛ روجه دن ، بولغارجه دن ،
صربجه دن ، آرنادودجه دن ، اولاججه دن ، ارمنیجه دن
کلمه لر ، هم بالخاصه صرف نحو قاعده لری آلینا جقدی ،
به لسانه داها عمومی بر ماهیت ویرمک ایچین ندا حرفلری
انکلیزجه دن ، حرف جرلری آلمانجه دن ، رسمی ،
خصوصی القابلری فرانسزجه دن اقتباس ایتلیدی .

بن ارمنیجه ده دأثر بر چوق تفصیلات ویردم .
دو قنور اثر الله ناطق بویله عمومی ، عالی ، مکمل
بر عثمانلیجه نک بوتون دنیا طرفندن بیله قبول اولونا جق
سویله دی .

صوکران بن اعتراض ایتدم :
« لسانلر تأسیس اولونماز ، هر مؤسسه کی کندی

کندینه تأسس ایددر. اجتماعیانک بو حقیقتنی قبول ایتمه یه نلر
 بر چوق دفعه لر آلدانمشلردر. هیچ صنعی، موضوع
 بر لسان یاشامامشدر، یاشامازده... ایشته نته کیم ۱۸۸۰
 سنه سنده ایجاد اولونان، وولاپوق، لسانی اولا اُچمه
 اهمیت قازاندی. لاکین بو کچیجی برمودا ایدی. چونکه
 بر لسان یعنی بر مؤسسه تأسیس اولونامازدی. اون سنه
 ایچنده ایکینوز سکسهن قلوبی اولان بولسانک بیرمی بش
 دانه ده غنجه سی واردی. یالکیز پارسده اون درت دانه
 « وولاپوق » درسخنه سی آچیلماشدی. بویوک منازده لر
 مأموراری ایچین بولسانی قبول ایتک اوزره ایدی.
 نه اولدی؟ بر دهره بولسان او قدار چابوق قایب اولدی که
 بو کون بوتون دنیا ده « وولاپوق » جه بیلن بر آدامه
 راست کلمک احتمالی یوقدر. صو کرا اسپرانتو چیقدی.
 اوده شیمدی یاواش یاواش سونویور، یرنی ایدو ydo
 لسانه براقیور. اوده یاشامایا حق، مطلقاً بوله جک. حالبوکه
 اُرمیجه ... اصل هالک عثمانیه نک لسانی بودر. چونکه
 تورکیانک دیشاریسنده اُرمیجه قونوشان طویلو بر مات،
 بر دولت یوقدر. حال بوکه یونانستان روججه قونوشور،
 مصر عربجه قونوشور. بولغارستان بولغارجه، صربستان
 صربجه، رومانی اولاجه، اسپانیا یاهودیجه، کاشغر،
 خیوه خانلقلری تورکجه قونوشور. بوتون بولسانلردن
 مرکب بر لسانده مطلقاً خارجی بر ملیتک ایزلری ده
 قاله جقدر. اُرمیجه او یله دکبل. بر کره یازماسی غایت

قولایدیر . تور کیسانک هممن هر بویوک شهرنده ارمی
بولوندیغندن بولسانی ، قبولی حالنده پک ، چابوق انتشار
ایتدیره بیلیر ... »

صوکرادوام ایتدم . بالی افندی قناعت کتیر بیور
کبی اولویوردی . صاعد پک دوشونمکه باشلادی . لاکین
دوقتور ازلله ناطق بنم نکلیفمی جرح ایتدی :

— واقعا « ممالک عثمانیه » خار جنده ارمیجه قونوشان
طوپلو برملر ، بر دولت یوق ، دیدی . اما بولسان
تاریخی برلساندیر . بز مصنوع ، یکی برلسان ایستیوروز .
دنیا ده لهنکوویسینک قادار افسانه دن بر علم یوقدر .
« برلسانه کندی طبیعتنه مخائف ، دیکر اسانلردن
آلنان قاعده لر قونولامز . « دینور ، دکیلمی ؟ یالان !
ایشته بو کونکی عثمانلیجه ... تورکجه ده اولمایان عربجه ،
عجمجه قاعده لری پک اعلا بزم ایستیورلاستیقلر قویمشلر .
تورکجه نلک طبیعتنده اولمایان « عطف تفسیری » لری
جو غالمشلر . ادبیاتمزد اوتوز قرق سطرلق جملر وار .
بو کون کبار بر عثمانلی اصلا تورکجه کلایه ، تورکجه صرف
قاعده لرینه تنزل ایتمز . ذاتاً بزم تصور ایتدیکمز عثمانلیجه
قسماً باشلامشدر . ایچنده بر برینه یابانچی اوچ آیری
لسانک قاعده لری وار . اوچ آیری لسانک قاعده لری
بر آرایه کلوب باشایابیلیرسه نیچین اون لسانک قاعده لری
بر لشوب بر آرا ده یاشاماسین ؟

بن جواب ویرمدم . فقط ازلله لک دیدیکی عثمانلیجه

یاشا بورمیدی ؟ کورو یورمه خایر ... دقت ایتدم :
عثمانلیق ادعا سنده بولنان تورکلر بیله یالکیز یازارکن ،
شعر دوزه رکن عربجه ، عجمجه قاعده لرله ، کله لرله یایلمش
یابانچی ترکیملر قوللان یورلر . قونوشورکن جمله لری هپ
قیصا ، هپ طبیعی ... حتی عربجه عجمجه کله لری کنه ی
تجویدلرینه اویدور یورلر . لا کین یازارکن طبیعتک
یابدیغی تمثیلی عالمانه برتهالکه دوزه لیتورلر ...

تورکیاده یاشایان بوتون عنصرلرک لسانلرندن
مرکب برعثمانلیجه قبول ایدیلدی . حسن رودی « ممالک
عثمانیه » ده عجم اولادیغندن اسکیدن ناصیاسه کیرمش
عجمجه کله لرله قاعده لرک لغوینی ایستدی . خوجا بالی
افندی اوکا جواب ویردی :

— استانبولده ، آنادولیده ایجه عجم واردر .
بونلر عثمانلیلردن قیز آلوب قیز ویره یایلرلر . نیچین
اونلرک وقتیه کیرمش کله لرینی ، قاعده لرینی آتالم . بالعکس
عجمجه عثمانلیجه نک اک کوزل برعنصریدر .

زاواللی خوجا بالی افندی ... استانبولی ، ولایت
مرکز لرینی دولدوران ، تبتسا کو ، چای ، کاغذ ، قلم
نجاتنی ، عمله لکی الله کچیرمش اولان آذربایجانلی تورک
اوغلو تورکلره اثوابلرینه باقارق عجم دییوردی .

۰۰ آگستوس ۹۱۷ مودا .

دون ارمی آرقاداشلرمدن بری فرانسزجه
Mercure de France رساله سنك ۱۶ آگستوس ۱۹۱۲

تاریخی نسخه سنی ویردی :

— مطلقا اوقو ...

دیدي . قورشون قلمله اشارت ایتدیکی شی غایت
اوزون، Risai امضالی بر مقاله دیدي . مقاله نك سر لوحه سی :
« تورکلر ملی بروح آرا مقده ... شیمدی بتیردم . ایشه
شیمدی آجی برخوشنود سزاق حس ایدیورم . اکر
بوموسیو ریزالك خبر ویردیکی شیلر صحیح ایسه بر باد ...
تورکلر ده بر ملت اولویور دیك ... اوده ده بریده بر طاق

آداملر وارمش ، برتورك روحى آرارلر ، عثمانليجه نامى آلتنده دوام ايدن عربجه عجمجه ايسقولاستيق ، قاريشيق لسانى براقغه ، قونوشولان ، طبيعى خلق لسانيله ادبيات يانمغه چاليشيرلر مش .

أوت ، توركلرده قيملدا نيورلر .

بر انكليز بكا ديمشديكه : « توركياده اون درت ميليوندين زياده توركجه قونوشور ، تماميله توركلر شمس بر خلق وار ... حالبوكه نه قادار ارمنى ، نه قادار روم وار ؟ ظن ايتمكه بوايى عنصر اوچ ميليوندين فضيله اولسون ... »

روملرك فكري استانبولى ، ازميرى فلان ضبط ايدوب بو اون دورت ميليونى « قيزيل ايرماق » كه صاغ طرفنه آتمق ، ارمنيلرك فكري بو يوك ارمنستانى تشكىل ايدوب نه قادار تورك وارسه هپسى « قيزيل ايرماق » كه صول طرفنه آتمق ... اكر بوايى ملت عيىن زمانده موفق اولورسه آنادولوده بر دانه تورك قالمسا ياجق ، هپسى قيزيل ايرماغه دوگولهرك ده كيزه آقاجقار .

لاكين ! توركلرده روملر ، ارمنيلر ، حقى عربلر ، آرانوودلر كهى ميليتلرينه صاريليرلرسه : اون درت اون بش ميليونلىك طويلو برقونك قارشيسينده بزنه اولاجغز ؟ . يك دانتيق ، يك آزا اولان بز ارمنيلر بو دوشونملى ،

« عثمانلیق » مؤسسه سی قوتله ندرمه لی زه. اصلا اوچ دورت
میلون اون بش میلیونه غلبه چالاماز .

غایت مقتدر اوروپالی بر محرر دیورکه :

« تورکار چوق عالیجنابدر . کندی ملتیرنی ،
تاریخلری تی ، غننه لری نی اصلا یاد ایتمزله . اونلر شیمدی
یالکیز ، راحتجه یاشامق ایستیورلر . اکر تورکیاده کی
خریستیانلر فضلله متعصب میلیتروورلاک کوسته درمیوب
اونلری او یاندر ماسالر مشروطیت سایه سنده یاریم عصر
ایچنده بر تورک قالمایاجق . ثروت ، تجارت ، اراضی ،
حتی حکومت خریستیانلرک اُلنه کچه جک ، تورکلر یینه
چادیرلرینه کیره رک یایلارله چکیلر جکار ، نمازلری داها
راحت قیلمق ایچین کلدکاری تنها ، صاف ، آسوده
تورکستانه دونه جکار ... حالوکه خریستیانلر ملیت
پرورلکده تعصب کوستردکجه تورکلر دده بو حال عکس
ایدیور . بر طاقملری « بن تورکم ؛ تورکلکله غرور .
لانیرم . » دییه اورتایه آتیلیور . قونوشولان طبیعی
تورکجه ایله شعرلر ، کتابلر یازیور ، قونفرانسلر
ویریورلر . حتی یاواش یاواش « تورکجیلک » دییه
برمفکوره بیله جانلاندیریورلر . »

دوشونوبورم ، بز ارمیلر ، روملر ، حتی عربلر ،
آرناوودلر ملیتمزده تعصب کوسترمه سهک تورکار
« عثمانلیق » نامنی ویردکاری قوزموپولتیلکسیدن
آیرینایاجقلر ، بوتون وارلقلری نی اونوتا جقلر .

حکومتی آئنده طوئان فرقه تمامیه سقوط ایتدیریلدی.
 بوکا روملره چالیشان، بزم قایناتما قلوبنک داهامعتدل،
 داهاسیاسیسی اولان « اشتلاف » فرقه سیله ملیتپرور
 آرنوو اختلاجیلری . ملی فکرلردن کلیاً محروم بولنان
 عثمانلی ضابطلری موفق اولدیلر. « خلاصکاران ضابطان
 غروبی » شیمدیلک موقعه حاکم ... قاییناده تنظیيات
 روحینک یتشدیردیکی بویوک سیالر وار . مثلاً دنیاده
 کیم تصور ایدمیلیرکه کامل پاشاکی تنظیيات داهیسی
 بر عثمانلی « تورکاکی » دوشونهرک حرکت ایتسین ...
 اوتام بر عثمانلیدر .

آه لا کین حرب احتمالاری ... اکر حرب اولورسا
 یا مغلوبیت ، یا غالبیت ... بن اکی چوق مغلوبیتدن
 قورقویورم . ملتلری اویانديران بویوک فلاکتلردر . با
 تورکلرده بر فلاکت اوغسایوب اویانیرلرسه ...

تشرین اول ۱۹۱۲ مودا

حرب باشلادی ... بولغارلر، صربلر، قارا داغلیلر،
یونانلیلر، حتی بر پارچه ده آرناوودلر تورکلره اعلان
اعلان حرب ایتدیلر .

بزم کاشات اموریمز دکیل . ینه قلوبمزدہ طوبلانیور،
مذا کره لریمزه دوام ایدیورز .
دون اجتماع کونپدی .

روزنامه ده « دین » مسئله سی واردی .

اثر الله بك تنظيم اولونا حق یکی « عثمانلی » ملتک
مطلقا بر دینی اولماسی ایجاب ایتدیکنی سویله دی . خوجا
بالی افندی اسلاملغک ؛ موسویلکک عیسویایکک ،
صائبایکک جمعندن حاصل اولمش بر دین اولدوغنی ،

پراز د کیشدیریلرک بوتون عثمانلیلر قبول ایتدیرمسنی
تکلیف ایتدی. سعادته بهجت بوتون بوتون دینک
علیهده ... حسن روی « ژاپونلر کبی دینسز اولالم! »
دیهه حایقوردی. مذا کره آپی سوردی. شمریاته باشلا تبحه
خلقک غلیانندن قورقو لو یوردی. یکی بر دین بولمق ،
یکی بر لسان بولمقدن داها زوردی. نهایت شمیدلک
« دینسز » لکده قرار قیلدیلر، روم، بولغار، صرب،
آرناوود، عرب، آرمنی حاضلی بوتون عثمانلیلر یاواش
یاواش دینلرینی ترک ایده جکدیلر .

صاعدیک « اهل . دییوردی. اهل بوتو، او جاقلرد
اینجیر دیکه را »

بویلهده تفصیلات ویریوردی :

« ایلک تنظیماتجیلر بر قلمده ملیتلی سسیلدیلر .
تورکه تورکلمکینی اونوتدوردیلر. لاکین دینه دو قونا-
مادیلر . چونکه اولرده بزم کبی ، بلکه بزدن زیاده
عصرلردن بری کوکله نمش تعصبدن قورقو بورلردی .
تعصب ازاله ایدیلنجه طیبی دینده قالمازدی. بولدوقلری
چاره « اهل » ایدی . چالیشان دمیر پارلار. ناصیل
چالیشمایانی کوف طونارسه بر مؤسسهده کنجلاهشدریلنه،
کندی حالنده بر اقیلیرسه اختیارلار ، بیقیلیر ، داغیلیر .
« ممالک عثمانیه » ده اک چوق مؤمنی اولان دین
اسلاملقدی . اسلاملی ییقمق ایچین اهل ایجاب
ایدیوردی . تنظیماتجیلرده مملکتک هر طرفنی تنظیم

ايدەركن مدرسەلەر ھېچ باقمايدىلار. دىنىي مۇسسەلىرى ھېچ ئاسكىيى خالىنىدە براقمايدىلار. اھمال ايتمايدىلار. بۇدە اولاردا كىتەپكى يولدىن كىدە چىكىز. دىنىي معاصرلاشمايدىرمايماچىز. معاصرلاشمايدىن دىنە طىبىي معاصرلاشان عثمانلىلار يابانچى قالماچىلار. بۇزمىلىمىزدە حصول بولماچى . »

قلوبىدەكى غىر تورىك اعضا-الركى كەلەيشەنە خالا ھېچ بىرى دقت ايتمايدى. دالغىن ، ھەشەيدىن بىخەبەر قارارلار وىرىمايدى .

بابىدايدىن اشاغى اينىركن اثرالە ، نىيازى يانمىدە ايدىلار . عىسكىر سوقىاتەنە ھېچ باقمايدىلار ، حتى اوقادار كورولتولرى ايشەتمەيدىلار بىلە ...

تشرین ثانی ۱۹۱۲ مودا

ایشلرم بوزولدی. حرب همهن تاثیرینی کوستردی.
بیاسه دورغون ... بارایوق ... بوکون استانبوله کچوردم.
اسکله ده یرچوق قالا بالق کوردم.

دیولرلرکه «استانبول اهاالیسی اسکداره، قاضی کوینه
عجرت ایدیور. « فقط نه چابوق ... دیمک استانبوله
بوغارلر کیره جک، هفته لروارکه چاتالجه خطلرینی زور-
لویورلر. هر طرف مهاجر دولدی ... سسفات صولک
درجده!

واپورده کوزلریمی آياصوفيانك قبه سندن آیرامادم.
یان قاماراده دیم. کوزل، شیشمان برروم قادینی آنجق
دورت یاشنده تحمین اولونابیلیر اوغایله قارشیمده
اوطو، وپوردی. هوا پلک کوزه لدی. اوزاقلردن طوپ

سىلەرى كىيۈر كېي اولۇپوردى . چوچوق دىزلرىنىڭ
اوزىنى قاقمىش دىشارى يە باقوردى ؛ روڭخە :

— آياصوفيا بودكىلىمى آنە ؟

دىيە صوردى . قادىن بىردىنە بىكا باقدى . باشمىدە
شايقا واردى . شېھلەنمەدى . ذاتا آرتىق استانبولدا
توركلردىن كىمىسەنك چكىندىكى يوق يا ... چوچوغە
جواب وىردى :

— اوت ياوروم .

— آە نە كوزەل ...

صوكر اقادىن دە اكيلدى . بىجرەدىن دىشارى باققە
باشلايدىلار . ياواش ياواش قونوشويورلردى . بىن المىدەكى
غزىتەيى اوقور كېي ياپارق ايشىدىيوردم :

— نە وقت كەجك قوسطانطين ؟

— مەفقاريلە بىرلەشەجك . اون بىش يىرمى كۈنە

قادار ...

— نىچىن بولغارلەرلە صىربلەر كىرەب آلمادىلار شىمدى ؟

— استانبولك اىل صاحىبى بىكليورلر ...

— استانبولك اىل صاحىبى كىم ؟

— يوركىنك قەزىمان اوغلو قوسطانطين .

تا كوپرى يە ياناشىنچە يە قادار دىشارى باقدىلار .

اوناردا بىم كېي استانبولك صولك كۈنلرىنى باشا دىققە

قائىدىلار . استانبولدا ھەركىس بونى بىكليور . كوپرىدە

راست كەلدىكىم بىر ژاندارمە ضابطى سفارتخانىلەرلە كامىل

پاشانک آ کلاشدیغنی ، بولغار عسکری کیرر کبرمن
 عثمانلی ژاندارمالرله سفارت معیت واپورلرندن چیقاجق
 اجنبی نفرلرک یراللرنده عثمانلی بایراغی، براللرنده نسوب
 اولدقلری دولتک بایراغی اولارق دوریه کیزجکفی
 سویلدی .

براوو ... حقیقه شیمدییه قدر عثمانلیردن کامل پاشا
 قادار بویوک آدام یتشمه مشدر ، یتشمه مزده
 سفارتخانه لری استانبوله عسکر چیقارمق خصوصنده
 اقناع ایتک ... بونی هر ایشیدن عثمانلی پاشانک مهارتنه
 شاشارق ، سوینه رک « یاشاسین سیاست پیری ! » دییه
 راحت نفس آلیور. بولغار قرالی فردیناندک آیا صوفیاده
 « تاج کیمه » رسمنده کیمه جکی اثوابله فورمالر پارسده
 یاپیلمش . اوروپا غزته لری یازیور .

ای اختیار آیا صوفیا ... دیمک بشیوز بوقادار سنه
 صوکر اقبه که ینه حاج دیکیله جک ها ...

۲۸ كالتون ثانی ۱۹۱۳ مودا .

خیرستان متفقرینك اردولری استانبوله كمدی .
طوب سسلرینی ایشیتدكجه نه قادار سـوینوردق ...
بوتون کیلیسه لرده - کیزی دکیل ، علی - مظفریت دعالری
ایدیلیوردی . روم ایلمدن توركلر قووولدی . بولغارلر
كچدكلری یرلرده جامح ، مناره ، اسلام بیر اقامدیلر .
یاقدیلر . ییقدیلر . ئولدوردیلر . بوماقلرك هپسینی
خیرستان یایدیلر . بوتون اوروپا كنج بالقن ملتیرینك
جسار تلمینه ، عزملرینه ، شدتلمینه شاشدی . بولغارلرك
ملی رنگی بوسنه نك پارسده موداسی ... حتی بك
اوغلنده بیله بولغار موداسی عادت اولدی . بولغار
رنگنده قوماسلر استانبوله بیله ماتیلغمه باشلادی .

بن « قایناشما » قلوبمزمه دوام ایدیورم. ارقاداشلرم
 اوقادار دالغین ، مذاکره لرله اوقادار مشغول که ،
 محسار به دن خبرلری یوق ... غالباً هر کون افقلمیزی
 ایگله تن طوپ سسلری بیله دویمورلر. دونکی مذاکره ده
 اثر الله ناطق خریستیانلرک مدنیتندن ، تورکارک ،
 اسلاملرک باربارلقلرندن بحث ایدی. « بزم مملکتتمیزی
 خریستیانلر آلسه اصل او وقت حریتی ، سربستلیکی
 کورورز. ایشته مصر کوزومزک اوکنده ... اونه
 رفاه ، اونه سعادت ... » دیدی .

غزته لری اوقومادینی ایچین بالقانلیرک یابدقلرندن
 خبری یوقدی. بن اعتراض ایتدم. بو ازلی اویقو ایچنده
 مذاکره اوزادی .

صاعد . سعدالله ، بهجت ، حتی خوجا بالی افندی
 عثمانلیلری قایناشدیرمق ایچین ایلك یاپیلاجق ایش
 « بلا تفریق جنس و مذهب » قیز آلوب قیز ویرمه
 اولاجغنده مصر دیلر .

واقعا اسلاملر خریستیانلردن قیز آلا بیلورلدی.
 لاکین ویره میورلردی. ارقاداشلر بوموازنه سزلیکی بوزمق
 ایستیورلردی. غایت مکمل بز منطق قوللانیورلردی :
 « آلینسوندن نیچین ویریه سین ؟ »

خوجا بالی افندی فکرینی سویله دی :

« دین نه ده ؟ صائیملک ، موسویاک ، عیسویملک ،
 اسلاملق دکیلمی ؟ بز بونلرک هپسینی برله شدیره جکر .

آصلنه ارجاع ایدم جگیز. « دین ابراهیمی » یی میدانه
 حیقاراجغز. « دین ابراهیمی » ملتله دینلر آراسینده
 فرق کورمه یه جکی ایچین (بلا تفریق جنس و ملت)
 ازدواجه ده مساعده ایدم جک .

بالی أفندی به کیمسه اعتراض ایدم مزدی . آرتیق
 پروغرائمز تکامل ایدیور. بو کون داغیلیرکن دو قمتور
 اثرالله ناطق :

— باقینده فعالیتیه کچه جگیز، دیدی . حقیقت
 ایله ریور. اونی هیچ کیمسه طوته ماز ...
 فقط هانکی حقیقت یاربی ...

۷ مارت ۱۹۱۴ مودا

حقیقت ایله رله دی. هنور کیمسه اونی طوتمادی .
چونکه ایلرله این شیدن کیمسه نك خبری یوق .
قاج سنه در تتبع ایده رك چیزدیکمز اساسلریمزی
نشره ، تعمیمه باشلا یا جغز . اولا بر غزته ... بونی
شم دیلك هفته ده بر حقیقاراجغز . لا کین غزته مزك اسمنی
بولق بك کوچ اولدی . قلوبده سگیز کیشی یز . سگیز مزده
آیری اسملر بولق . بن « بابل قوله سی » دیدم . بو حقیقه
عثمانلیلق قایناسمانی ادعا ایدن بر رساله ایچین نام بر اسمد .
اثر الله ناطق الفرد فویه نك « idée-force » تعمیرینی
بوزدی . بوندن بر معنا حقیقما دیغنی سوبله دی .
« idée forte » حالنه قویدی . « قوت زنده » دییه
ترجمه ایتدی ، قوت « رینه » فکر « قونولورسه

مقصود منی نشر ایدم چک غزته یه تام موافق بر اسم
اولا جقدی : فکر زنده ...

سعد الله بهجت :

— غزته یه اسمدن اول بر « شعار » بولمالیدر !
دیووردی .

بولدیغمز شعارلرده بر برینه هیچ اویمادی غزته من
ایچین بولدیغمز سکنز اسم شونلردی :

بابل قوله سی ، فکر زنده ، شمس یکانه ، اذابه
عناصر ، انسانلق ، عثمانلیلر ، قایناشالم ، وجدان حر ،
عرفان حر ...

نهایت قورعا چکمکه قرار ویردک . بو سکنز اسمی
کاغدلره یازدق . بردانه چکدک ، « از انلق » چیقدی .
باش محرر صاعد اولدی .

فلسفه یه عائد قسمی : اثر الله ناطق یازا جقدی ؛
اجتماعیات قسمی : سعد الله بهجت ، حسن رودی ،
ادبیات قسمی : نیازی بک ،
فن قسمی : جلال بک ،
دین قسمی : خوجا پالی اقدی ،
متنوعه نی ده بن ...

ایملک نسخه منی باقالم نه وقت چیقاراییله چکیز ؟

دون ايلك نېسخه نك. مندرجاتي مانا كره ايتدك .
 صاعد بك ، نوع بشر ، ك بوتون بر مليت اولديغنه ،
 (وطن) ك ده (روى زمين) اولماسى لازم كله چكمنه ،
 انجاق بو حقيقتى آكلانك انسان عد ايديله بيله چكمنه
 دائر اوزون بر شهر يازم شدى . بو غير ملي يعنى
 « بلا تفريق جنس ومذهب » ادبياتك حقيقت بر شاه -
 اثرى ايدى . دينلرك ، مليتلرك ، محيطلرك ، وطنلرك
 هپ افسانه اولديفنى ترنم ايدىوردى . « اثر الله ناطق » ك
 مقاله سى اللى صحيفه دن زياره ايدى . بر چوق اجنبى
 اسملى سويليوردى . لا كين نه يالان سويليم ، مقاله
 غايت بويوكدى . بن ده بكندم .

سعد الله بهجت ، حسن روى ، بوتون اقتدارلرغى
 كوستر مشلردى . حسن روى دورت بش صحيفه نك
 ايچنده اجتماعياتدن ، غريزياتدن ، تاريخدن ، حيواناتدن
 مه تافيز بكن ، باطولو زبدن بحث ايدىورد ، سېتېزم ايله

سپیر تو آیزم آراسنده هیج بر فرق اولمادیغنی ، بوتون علملرک صاحبا اولدیغنی اثبات ایدیور ؛ نهایتده کندینک عالم ارلدیغندن فخرله نیوزدی .

نیازی بک هر لسانک بر لسان اولمادیغنی ، لسانلر مؤسس اولمایوب تأسیس ایدیله بیلدیکنی ، بر لساندن دیگر لسانه کله کله لر اولدیغنی کبی قاعده لرده اولابیله جکینی ادعا ایدیور ، متکامل عثمانلیجه ایچین تفصیلات ویریور ، عربجه ، عجمجه ، رومجه ، آرنارومجه ، صربجه ، بولغارجه ، اسپانیولجه کله لرله ، قاعده لرله یاپیلیمش جمله لردن مثاللر کتیریور ، بوقارماقاریشیق مصنوع لسانک آهنگینی کوزه لایکینی آکلانا آکلانا بیتیره میوردی .

فن قسمی غایت پارلاقدی . یگانه حقیقتک فنده اولدیغنی ، فنک خارجنده کی هر شیئک بر وهم ، بر خیالدن عبارت اولدیغنی اثبات اولونویوردی .

خوجا بالی أفندی قاینامش عثمانلی ملتک مشترک دینی ایضاح ایدیوردی . بو « دین ابراهیمی » ای . ضابطیلک ، موسویلک ، عیسویلک ، اسلاملق قاریشد . یریلالی ، کیرییه کیدیلرک حضرت ابراهیمک دینی بولونمالیدی . بوزسخه عادتا مملک نسخه سیدی . قایناشما قلوبنک اساسی فکرلرینی احتوا ایدیوردی . صولک صحیفه یه « بلا تفریق جنس و مذهب ازدواج » اعلانلری قویا جقدق . دین ، ملت فرقه باقادن ازدواج ایده جک کسجلره یارديم ایده جکدک . بنم مقاله م چوق آقیشلاندی . اثرالله ناطق :

— بونسخه نك اَك مكمل پارچاسی بودر .

دیدى . حسن رودى بوفكرلری اولجه كندى ده
يازدیغنى سويله دی . شاعر صاعد بنم تاريخله اتوغرافيا .
ده کی وقوفى يکی اكلايوردی .

مقاله مك سرلوحه سى :

« ممالك عثمانیه ده عرفا ، جنسا بردانه اولسون تورك
يوقدر ! » جمله سیدی . . تاريخه ، اتوغرافيايه استناد
ایدیوردم . علماً ادغامه کیمسه اعتراض ایده مزدی .
مقاله مك خلاصه سى شو ایدی :

« ممالك عثمانیه ده هیچ نورك يوقدر ! احمد مدحت
افندی بونی تصدیق ايله برابر يالکيز آل عثمان خاندانك
تورك داجيك عرفه منسوبلقلرى يازمش ايسه ده اوده
يا گلشدر . آل عثمانك داخی تورك داجيك عرفدن
اولمادقلرى اثبات ایتزدن اول بوتون ممالك عثمانیه ده
هیچ بر فرد تورك بولمديغنى آكلاناچم . [آناطولیده
هیچ تورك بولونمديغنى] حقیقتك اَك بويوك شاهدى
فرانسى سياحى « تاورنيه » در . اون يدنجى عصرده
اوچ دفعه بوتون ممالك عثمانیه یی ، ایرانى ، هندستانى
دولاشان بو ذات نشر ایتدیكى تاريخده توقاددن تبریزه
قادر اولان بويوك مسافده آنجاق آنجاق يوزده ايکى
نسبتنده مسلمان بولونديغنى يازیور . شوندن آكلاشيلیورکه
انادولیده ۲۰۰ سنه اول تورك دکیل حتى مسلمان بيله
يوقش ! بونك عكسنى اثبات ایده جك برتك دلیل اولسون

بولوناماز . برطاقم . منفعتی ، متعصب ملیتپرورلرک
 « تورک » دیدیکی آنادولواهلایسی قیلیج زوریله مسلمان
 اولشلردر . بواهدالر صوکایکی بوز سنه نك وقوعا تیدر .
 اوت آنادولو خلقی واقعا مسلماندر ، لاکین قطعیا
 تورک دکیلدر . هر کسی قانديروب حسیس منفعتلرینی
 استحصالدن باشقارشی دوشونمه یه ن ملیتپرورلرک ، ممالک
 عثمانیه « ده هیچ تورک اولمادیغنی کورونجه عرب ،
 عجم ، بیزانس تأثیرلرندن بحث ایدرلر . بو اوج تأثیر
 آئنده « تورکلک » ک قایب اولدیغنی سویله لرلر . اولمایان
 برشی صوکراناصیل قایب اولور ؟ ممالک عثمانیه ده کی
 مسلمانلر دینلرندن دونمش اسیکی روملرله ارمیلردر . بو
 زوالیلر یکی دینلرینی براقوب تکرار اسیکی ملیتلرینه
 دونه مزلرسه اصلا تورکلکی ده قبول ایتمزلر . نته کیم
 ممالک عثمانیه ده کیمسه :

— بن تورکم .

دیمز . ملیتی صورولنجه یالکز :

— مسلمانم الحمد لله ...

دیر . ملیتپرورلر اجتماعی حقیقتک بو اصرارندن
 بیلمازلر . دنیاده سکسه ن میلیون تورک اولدیغنی ایدور ارق
 اوته کی بریکنی قانديریرلر . هله مفکوره لری اولان
 « توران » کله سنک معناسی بیله علیهلرنده در . روس
 عالمی مشهور (بارتولد) بومنفعتپرورلرک مضرتندن تورکه رک
 « توران » کله سنک نه دیمک اولدیغنی هر کسه اعلان

ایتمشدر . (بارتولد) کبی بر روس عالمی بزه تأمین
ایدیورکه «توران» ایرانک برولایتی ایتمش . هم فرسیجه
براسم ایتمش .

او قادار تفصیلات ویریور ، اوروپا علماسندن او
قادار شاهدلر کتیریور ، حتی دنیا یوزنده بو کون
«تورك» نامنده برملت اولمادیغنی او قادار مکمل اثبات
ایدیوردمه ... اعتراض ممکن دیکلیدی ... ناحق یره
کندیلمینه «تورك» دییه افترا ایدیلن عثمانلی آرقاداشلرم
آرضک اوزرنده هیچ تورك اولمادیغندن صوک درجه
سوینیورلر ، بنی قوجاقلایورلردی . خوجا بالی افندی
آلندن او پویوردی . زیرا او ، ملیتپورلرکک دینسزک
اولدیغنه قائلدی . سونجک ویردیکی هیجان ایله تیتره یهرك :
... وار اول هایقیان افندی اولادم ، دییوردی ،
شو رزیملره صوک سوزی سویله دك . اونلر شیمیدی
تورلوژیلرندن مورکولوژیلرندن بر جواب چیقاروب
ویره بیله جکلرمی باقالم

هم علاوه دییوردی :

— اونلرک مضرتندن یالککز بز عثمانلیلر دکیل ،
«روسیه ده دولت فحیمه معظمه سی» داخی اندیشه ددر .
احتمال بومقاله کی سفارت ترجمانی ترجمه ایده جک ، سکا
«پترسبورغ جمعیت علمیه ایمبراطوریه سی» ندن بر مکافات ،
بر نشان کله جکدر ...

اور ایک نسخہ

اون بانه سوکرا...

« حیات بر اویقودر ، عشق اونک رؤیاسیدر ! »
 دیرلر . نه دوغرو ! بنده سویم ، سویلدم . کوزدل ،
 شفقنلی هایغانوشمه هاجیکلرک اوندده راست کیشیدم .
 بو عالی قابه ، بو ظریف قیزه بساییکم حرمت یاواش یاواش
 عشق اولدی . انسانلری طاتلی خولالرله یاشاتارقی اُلک
 مهم شعرلرک معناسی او کره تن عالی هیجان نهایت بکاده
 یاشامانک لذتلرینی او کره تدی . بولذتی طاتدقدن سوکرا
 زوجیه ، اولاد ، عائله سوکراده ماییت محبتنی دویدم .
 هایغانوشی کورمزدن اول صانکه روح ، صانکه جسم
 یوقش ... شیمدی او بنم قاریم ... آشاغیده اوینایان
 چوجوقلرک سسلرینی ایشیدیورم . نه قادار مسعودم .

ھەر طرف قار ایچندە... صوبانك اودونلری طاتلی،
ایلیق بر چتیردی ایله یانیور. ایشم یوق، کتابلریمی
قاریشدریورم. سەنەلرجه اول یازدیغ شۇدفتری بولویورم.
قرق اللی حقیقەلک برشی... بکارلغماک ا کسیک، داغنیق،
پریشان برفصلی... بر رومان که بندن باشقا کیم اوقوسه
برشی اکلا یاماز. امینم که دنیاء بوقادار انتظامسز بر
روزنامه طوتولما مشدر. فقط اوقود قجه خاطرەم
آله ولە نیور. عثمانلیق قایناسناماسی و همیله طویلاندیغمز
کونلری، اومعصوم، ایده اولوغ، صاف آرقاداشلریمی
خاطر لایورم. سەنەلردن بری اونوتدیغ شیلری بردن
خاطرا لاق بنی تحریک ایدیور.

وجودمک حرارتی چوغالیور. غیراختیاری ینە یازمق
آرزوسنە دوشویورم. یازاجم... یازمق - اکلەجەلرک.
فانته زیلرک اکلەنجی، اکلە فائەلیسی دکلیدر؟

کچن هر سەنە خفیف برسیس طبقەسی براتمش.
مادوی بردومان... بن بودومانک ایچندن ینە کوریورم:
اوینادیغمز بودالاق قومدیسنک حوک بردهسنی - صانک
شیمدی قاپاتمش کبی - نقطەسی نقطەسنە خاطر لیورم:
ایشته نور عثمانیە دەکی «عثمانلی قایناسناما» قلوبی! صانک
داھا «انسانلق» رسالەسک برنجی نسخەسنی حیقار مشز.
بوکون ینە مذاکرەلریمز وار. بن پنچەرەنک یانندەکی
قولنوقدە جینارارا ایچیورم. اثرالله ناطق قونفرانسنی
حاضر لامش، هر فرصت بولدینی یرده سویلکە باشلا یاجق.

نہ قادار سو نیورز . صاتیس چوق . سکز بیک نسخہ دن
بر دانہ قالماش .

ایکینچی طبعی دہ یاپدیرمغہ قرار ویریور ، داغلیورز .
ہر کس کلوب « انساناق » مجموعہ سندن ایستیور . حتی
بعض کتابچیلر بشر غروشه صائمیلر . نیازی بک :
— آہ کشکی دیشارلرہ کوندردیکمز بیک نسخہ یی
تأخیر ایتسہیدک ...

دیور ...

اوت ، قاچ کون صو کرا ایدی . ائی خاطر لایامیورم .
ینہ اجتماع کونیدی . قلوبدہ طویلا نمشدق . صاعدیکی
یازدیغی بر شعری او قویوردی . ماصہ نک اوزرندہ بر
بیغین کاغذ کوردم .

نیازی بکہ بونلرک نہ اولایغی صورت .

— ملیت پرورلرک تشویق ایلہ چکدیردکلری پروتستو

تلغرافلری ...

دیہ کولدی . خوجابالی أفندی صارینی صاللادی :

— « آتاولر سمنک تعریضی درخت میوہ دار

اوزرہ . »

بن یا قلاشدم . بو کاغذلرہ باقغہ باسالادم . اوزون

قیصا ، ہپسی بزہ « ای ملیتنی انکار ایدن آچاق سفیلرہ

بز تورکیز ، نہ ملیتمزی انکار ایدہ رز ، نہ دہ دینمزی

دہ کیشدیریرز . « دیورلردی . تاخر افلرک بر چوغندہ

تورک ولایتلری بلدیہ رئیس لریک امضالری واردی .

غليان مدهشدى. لا كين قلوبده كىلردن كيمسه نك
اهميت وىردىكى يوقدى. حتى ايكنىنچى نىسخه ايچىن
يازىلار كىتىرمىلاردى. تورك يوردى ، تورك اوچاغى ،
تورك كوچى ، آلتون اوردو، يكي توران، تورك يىرلىكى
جمعيتلرينىك بررمقاله قادار اوزون تلغرافلرغى او قويوردىم.
قلم چارىيوردى. وارلىنى انكار اولان بويوك بر ملىك
برطايغوندىن داها مدهش اولان مقدس ، عالى حدتى
قابارييور ، طاشيوردى. ادرنه ، بروسه ، قونيه ،
قسطنطينى ، ازمير ، آطنه ، طريزون ، انقره ، حلب
ولايتلرينىك لوالرندىن، قضاالردىن ، ناحيهلردىن تلغرافلر
ياغمىشىدى. داها شرق ولايتلرينه غالباً «انسالىق» مجموعهسى
كىتىمىشىدى. بوتون آنادولو «بن توركم!» ديهه هايقيز -
يوردى. قلوبىمىزك علمى ، اجتماعى قصدى توركياده
ياشايدان بوئون ملتلىرى متاثيرايتىمىشىدى. عثمانلىلق قاينا شاماسنه
بالىكز توركلار دكىل ، عربلار ، روملر ، ارمنيلرده
قىزمىشلىردى عربلر اسلاملى بوزمغه ، يكي بر دين
چيقارمغه قالقان خوجابالى افندينىك اعدامنى طلب
ايدىيورلردى. پاتريستانه بر بياننامه نشر ايتىمىشىدى.
« روملر رومدر . آله نوسدر ، دييوردى ، باشقا بر
ملت طائىمالر . عثمانلىلق اولارلك يالىكزجه رسمى ،
سىياسى عنوانلريدن. توركيادهكى . رومله آتندهكى ،
كېرىدهكى ، بورادهكى بر رومك آراسنده نه لسانجه ،
نه غناجه ، نه معارفجه ، نه دينجه ، نه مفكورجه هيچ

بىر قىرغاق بولمىدى. روم (مىلىيىتلىك Eulture nationale) نى
 بولمىدى دىيىدۇ. كىملىك مىلىيىتىنى مەھەلە قانداق بىر قانداق
 دەررەلەر بولمىدى روملىق مىلىيىتىنى مەھەلە قانداق بىر قانداق
 بىر قانداق مىلىيىتىنى روملىق مىلىيىتىنى مەھەلە قانداق بىر قانداق
 بولمىدى.

كاندىلارنى اوقۇدۇقچە اجتماعى مؤسسەلەر ، مىلىيەت
 دىنك مىلىيەت بولمىدىكى مىلىيەتلىرى ، زىر زىر بولمىدى
 ا كىملىك بولمىدى. اوزاقىدىن بىر قانداق كورولمىدى
 ياقلاشمىدى. بىر بىرگە باقىشلىق كىملىك بولمىدى دىيىدۇ
 ياقلاشمىدى. نور عثمانىيە جەمەتىدىن بايراقلىق بىر قانداق
 كىملىك بولمىدى. قىرغاقلىق بىر قانداق بولمىدىكى
 مەھەلە بىر تەھدىت ، جانلىق بىر تەھدىت كىملىك بولمىدىكى
 اوقۇلۇقنى ايشىدىيىر ، سىمىزى چىقارمىدىن سارار .
 يورمىدى :

بىر توركلار ، بىر توركلار ... مەھەلەلەر .
 « بىر » دىيىدۇ ، بىر بىر دىيىدۇ ...

اوشاقلىرىنى ا كىملىك . استانبوللىق بىر قانداق
 نىمىش ياقلاشمىدى . قىرغاقلىق بولمىدى مىلىيەتلىرى
 ايشىدىيىر . ائىللە ناطق بازولمىدى ، دىيىلىرىنى ،
 باجاقلىرىنى سىمىدى .

— آھ بولمىدىكى سىمىزىلەر ! بولمىدىكى عثمانلىقلىرى
 قاندىرىيىرلىرى .

دیهه ایگله دی . سعادده هجرت بومدهش قالایالقدن
تورکمش :

— Foule, faule! inconseiente, elle veut nous
écraser. .

دیهه تیتزیوردی . حسن رودی :

— آنا طرفندن غالباده تورک عنصرینه منسوبم...

دییمکه باشلادی . اون دقیقه ایچنده بوتون جاده
دولدی . قالایالق اوقادار چوق ، اوقادار صیق ایدی که
کیسه قیملدایامیوردی . برکنج - صوکرادن کیم
اولدیغنی اوکرندم ، تورک اوجاقلرینک خطیبی ایمش - بزم
قلوبک ، یوکسک پرونده جیقیدی . ظایت گور ، پارلاق طنان
برسهله « عثمانلیلق » کله سنک « دولی » برتعبیردن باشقا
برشی اولمادیغنی ، دینلر کی مایتلرکده محترم ، قدسی ،
اهمال اولونماز مؤسسه لر اولدیغنی ، تورکیاده اون دورت
میلیوندن زیاده تورکجه قونوشان مسلمانک تورک عد
اولوندیغنی ، عربجه قونوشان ینه بوقادار مسلمانک عرب
عداولوندیغنی ، آزلنی تشکیل ایدن روملرله ارمیلرکده
کندی ملیتلرینی محافظه ایملرینی تورکلرک ممنونیه تالق
ایده حکمرینی هایقیردی . اثرالله ناطق قلوبک پنجه رومندن
عثمانلیغنی ده مدافعه ایله « تورک » دییه برملیت احداث
اولونماسنده کی مناسبتمزلکی نطق حائنده سويلک
ایستیوردی . هپمز مانع اولدق . قورقویور ، صارا
رییوردق . کنج تورک خطیبینک ناطق برقونفرانس کی

اوزييور، سوروكلې آقيدىلار ايچىندە درىنلە شىوردى .
 ائك نھايت بزم نچەره يە روغرو ائنى قالديرارق :
 — دقت ايدىكىز ، ائى دالغىن جاھىللار ! تور كىادە
 ھىچ تورك يوق دىيە يازييورسكىز . ياللىكىز استانبولك
 بر كوشە سىندە نەقادار چوق تورك اولدىغى كورىكىز ...
 دىدى . بىلىيورم ، بر قوماندامى ويرىلدى ... صىم
 صىقى دوران قالا بالق كوشەدى . ياواش ياراش بر يول
 آچىلدى . اويانىش بر ملتك دىنىچ ، آتشىلى روھىندىن
 طاشان نشىدەلر بر بهار ، بر سەئادت فورطوناسى كېي
 دالغالاندى . عىسكىر آدىملر يە مانغا مانغا تورك مەكتىپلىرىنىك ،
 دارالفنونك طىيەنىك طلبەلىرى كچيوردى . اوندن سو كرا
 خصوصى مەكتىپلر ... اوندن سو كرا تورك اوجاغى ،
 آلتون اوردو ، تورك كوچى ، سائر بر چوق تورك
 جەمىياتلىرىنىك اعضالىرى ... تورك اصناف جەمىياتلىرى ،
 سەپور ھىيەتلىرى ، طىيادە جىلر ، ايزجىلر ، بىخىلر ،
 ما كنىست . ائلكەترىقىچى جەمىياتلىرى ... ھېسى ھېسى
 كچىدى . بلىكە بوم نىظم كچىد رەسمى اوچ سەئەتدىن زىادە
 سوردى . بن بونلىرى سەكسەن بىكەن فضىلە تەخمىن
 ايتدىم . آرقاداشلر بىز بر آفيون اويقوسىندىن اويانىش
 كېي كوزلىرىنى اوغوشد يرييورلردى . ھىچ قونوشمىيور ،
 صوصو يوردىق . قلوبك اوكەندىن كچن ھر تورك ھىيئىتى :
 — لغەت مىلىتى ، تارىخى ، ماضىسى ، اجدادىنى
 انكار ايدىنلر ...

دیه هایقیریوردی . آقشامه دوغرو نمایشک
قالابالی آزالدی قاجاقدیق . سعدالله بهجت فنا حالد
قورقشیدی . اثرالله ناطق معلوم ، بر حیوان قادار
عیادجی ایدی :

— بن مایوس اولم ، دیدی ، بوتون تورکستان ،
بوتون توران آیاغه قالدیسه . بن یننه یکپاره یکوجود
عثمانیلینی وجوده کتیره حکم .
کیچ وقت اوشاقلره کتیرتدی کمز آرابالره یننه رک
قاجبورددق . یوللره بیریکن اهالی « ملتیرنی انکارایدن
بونلرمی ؟ » دییه بربرلرینه بزی کوستریورلردی .
ارتسی کونکی « اذعان » غزته بی باش مقاله سنده بزم
قایناتما قلوبندن فکرلریزدن ، صوکرار بر کون اولکی
معظم نمایشدن بحث ایدیوردی . بو مقاله نیک سرلوحه سن
« اصحاب کهنه » ایدی . اووقت بیله بو غزته دن آلی بیک
نسخه ساتیلیوردی . بو « اصحاب کهنه » تعبیری بیه
قایناتما قلوبنده کی آرقاداشلره علم اولدی . هرکس
اونلره آلا ی ایدیور . قلوبمیزک قاپاندیغنی « اصحاب
کهنه » اویاندی ... « دییه آلا ی ایدرک یازیورلردی .
« اذعان » ک مقاله سی حقیقه یک مکملدی . بو کون
مندرجاتی خیال میال خاطر لایورم :

« بر طاقه دهریلر طوبالاشلره دییوردی ، « عثمانلی —
قایناتما » قلوبی نامی آئنده بر جمعیت تشکیل ایتشمار .
« فن کون مسلیکیرنی تمصیم مقصدیه یازدقلری » « انسانلق »

رساله سنك ايلك نسخه ي چيقدی . تور كيه ده بوتون
 ملتلك املتی جلب ایتدی . بو كروهك مقصدی واقع
 سیاسی بر مجموعه نك دولی بر تعبیری اولان « عثمانلیلق »
 گمهی آلتنده ملتلی ، دینلری اذابه ایمش . ايلك
 دفعه بوتون قوتلریله توركله كه هجوم ایتدیلر . اونلرجه
 تور كيه ده دكل ، حتی بوتون دنیاده بر دانه تورك
 یوقش . فقط دونکی استانبول تورك درنكلرینك محشم
 نمایشلری اونلر جانلی بر جواب اولدی . دفته شایان
 برشیدر كه بو عثمانلیلق قایناشما ادعاسنی كوددن ذاتلر ایچنده
 تور كدن باشقا عنصرلردن كیمسه یوق . ارمنیلرله ،
 روملك . عرب قارده شلریمزلك ملتلرنده نه قادار متعصب ،
 نه قادار محافظه كار اولدقلرینی هر كس بیلیر . پواذابه جی
 كروهی اویویور . . برشیدن خبرلری یوق . حتی
 فلاكتلریمزی ، بوكن محاربه یی ، بو محاربه ده کی عثمانلی
 نامتده یاشایان خرسیتیانلرك توركلره یابدیغی اعتسافلری ،
 عربلرك چتالجه خطنده طوپ باطلاركن پارسده علمه زه
 قونفرانس قوردقلرینی بیلمیورلر . توركله کی ، درت بیك
 سنه لك بر تاریخی اسانمزی ، وارلغمزی انكارایدیورلر .
 حتی تور كیه ده حصوله كتیره جككری جغرافی بیر المایت ایچین
 دین ایجاد ایتمه ك قالقیورلر . انسان بونلرك ده لیاكترینه
 حكیم ایتمكدن باشقا برشی یاباما ز . اون عصر در تور كیه ،
 آنادولویه یرلشن تورك عنصرینه « اونلر تورك
 ده کیلدر . » دییه جك قادار منطقسزلق كوسترییورلر .

سیاهی ، اداری ، بالا تفریق جنس و مذهب ، تعبیری
اجتماعیاته ، جماعتلر ده تطبیق ایتک ایستور ، حتی
برله شدیروب تاریخیسز ، غنجهسز بر «عثمانلی» یابه جقاری
روملری ، ارمنیلری ، مسلمانلری بر برلرندن قیز الوب
ویرمهک شویق ایدیورلر . حکومت بونلری طوتوب تیمار
خانهیه قورمالیدر . بوقادار جاهل ، بوقادار اوهم یاشایان
کیشیلرک . آلر نده قلم ، سر بست سر بست ایچمزده کنمه لری
اجتماعی بر تهلهکه در . معاذالله بونلر بر اختلاله ده سبب
اولا بیلیرلر . بر ماته ، باخصوص تورکلرکه «سن یوقسک !»
دیمک آتشیلی بر کفر در . تورکیاده صوک فلا کتیرک
اویاندر دینی ملی روح بویومش ، آلهوله نمش ، هر طرف
درم شدور . آنادولونک ائک هجری کویارنده بیلله بوتون
تورک چوجوقلری « توران ، توران » دییه باغریورلر .
قاینائما قلوبنک اعضالری تیاترولره کیتمه مشلر ،
عزتلری ، رساله لری ، رومانلری ، شعرلری ، حاصلی
بئگی ملی تورک ادبیاتنک بر حقیقه سنی اولسون او قومامشلر .
توبلرینه طقیلمشلر . هیچ دورمادن کنیدی خولایارینه
افلام و برمشلر . قلوبلرندن چقنجه دون جهانی کوردیلر .
کوردیلر که تورکبا آسکی بیلدکلری اویویان ، ملیتنک
فرقنده اولمایان تورکیا دکیلدر . اوت دونکی نمایشلره
نخیمه اوتوز بیلک کیشی اشتراک ایتدی . یوکسه لندکلری
حقیقت سداسی تورکلرکک واداغی اونلره کومتردی .
هیچ شبهه سز شمدی اویاندیلر . اصحاب كهفک

مغارالرنىڭ چىقۇپ دە دىيىپى دە كىشىش كورونچە
شاشدقلىرى كېيى اوڭلار دە شاشىر دىلر . « بوقا » دىدكلىرى
ملەك بىكلىرىچە اولادى مىلى شىستياقلىرىنى ھايقىر اراق
مغارالرىنىڭ اوڭىدىن كچدى . ايچلارنىڭ تامامىلە دەلى اولمايان
وارسە اوڭلا دىكە ياشايان دىنچى بىر ملەك نە تارىخى ،
نە اسمى دىكىشىر يىلە بىلىر .

« اى اصحاب كەف ! سىزك تور كىسادە دىلىكلىرى
آڭلايان بوقدر . يىنە مغارا كىزە قابانىكلىرى ، ازلى اويقو كىزە
دالىكلىرى ! »

« اذعان » كى ملىتپورور باش مىررى « جانلى » وقور ،
كىنلى ، مىحقرا افادە سىلە تام باش ستون دولدور مىشى .
آرتىق كىمىسە « عثمانلى - قايناشما » قلوبىدىن بىخ
ايتمور ، ھې اصحاب كەف قونوش-تورور ، اوڭلار
اڭلەنلىيوردى . مىزاج غىزەلىرى ساعدك « اثرىلەك » .
سەعداللە بىھىتەك ، خوجا باينىك « جلال مىنىك »
قازىقاتورلىرى پاپىورلر ، آئىنە اصحاب كەفك اسملىرى
يازىيورلردى . ھلە نىيازىنىڭ قازىقاتورلىرى مىصقا بىر كۆيەك
شەكىندە يامىشلىر ، آئىنە « قىزىق » يارمىشلىردى . بىر
اھال اولونويوردىم . اسم سويىنىمىيوردى . يالىكزار مىنىچە
غىزەلەر توركلارك اصحاب كەفنى ايچىندە اويويان بىر ارمى دە
وارمىش « دىيە براز بىدىن بىخ ايتىدىلر . بىر قاچ كور
اڭلەندىلر . ھەشى اونوتولماقتىدى . لا كىن اثرىلەك
ناطق دورورمى ؟ « قايناشما » ايدە آئىنە اصرازايتىدى .

تک باشنه قونفرانس لر ویرمکه قالقدی. دیکله یئرلرک اونی
چوروک یومورط-الرله، لیون قابوقلریله، یوه-الرله
کرسیدن ایندیردکلرینی غزتلهرده اوقودم. تام بو ائنده
بر کیجه هایغانوشمه راست کادم. بنی تقدیم ایدن :

— ایشته تورکلرک اصحاب کهنه قاریشان ارمی !.

دیهه شاقا ایتدی. آه سوکیلی، حساس هایغانوش...

بنم حقیقه اذابه طرفداری اولدیغمی، ارمیلری
« عثمانلی » دییه قوزموپولیت یاپاراق تاریخلرینی، ملیتلرینی
لس-انلرینی قایب ایتدیرمک ایستدیگمی صحیح ظن
ظن ایندیوردی. بوبوک قاشلارینک کوزلرینه دوشن
کورونمز کونلکه لرینی داها زیاده قویولتارق :

— بوکا وجدانکیز ناصل راضی اولایبقدی ؟...

دیهه صورویوردی. مخصوصدن اونلرک آراسنه
کیردیگمی، هیچ بر وقت ماتمک محبتنی « عثمانلیلق »
کبی راهی قوزموپولیتلک ادعالرینه ده کیشمه یه جگمی
سویله دم. آیریلیر کن بکا :

— موسیو هایقیان مانگی سهو، ملتگی سهو ...

دیهه رجا ایتدی. هر تصادف زده بو رجاسنی تکرار-
لادی. هفته لر، آیلر بکیوردی. بو کوزل ارمی قیزی بکا:
— ملتگی سهو ...

دیدکجه بن اونی سهو، مکه باشلادم. ذاتا حقیقی برقادین
عشقیله مایت عشقنک آراسنده نه فرق واردر؟ برنجی
عشق بزی « نوع، عائله » نتیجه سینه، ایکنجیمی

« جماعت، عمومی وجدان » اراده سە کو توروور. عشقمیز
 عائله اولامادیغی کبی، کینسز، تعصبسز برملیت دە اولاماز.
 هایغانوشک عشقی بکا اصحاب کهنی، اولیه مناسبتسز،
 معناسز مشغولیتلری اونوتدوردی. اونیکله فەردە نه
 طائلی، نه مهیدج استغراق کیجهلری کچیردک. هپ او
 کیجهلرده کو کده کی ییلدیزلرک « سەویکیز، سەویکیز!
 برله شیکیز. » دییه تیتره دیکنی کوردیم. غروبک رنکینی،
 فچرک ایشیدیلز سسلرینی، بولبوللرک نه سویله دکلرینی
 هپ اوندن او کرەندم. حیات اویقوسنک ایچنده آرتیق
 او عالی رؤیایی کورو یوردیم. اصحاب کهنی او قادار اونوتدیمکه
 نه اولدقلرینی مراق ایتەدم. هله بودفت... ایشته قاج سە
 صو کرا آلە کچور... شیمدی ینه خاطر لایورم. صاعد
 ایچین « دە لی اولدی. » دییورلردی. سەدالله بهجت بانکر
 اولدی. اسمنی مالی مجموعەلرده کورو یورم. حسن رودی
 خارجیە مأموری ایش... اثرالله ناطق تکرار مغاراسە
 کیرمدی. قطمیرله دینارده قالدیلر. بیلمم قاج سە اول
 انتخار ایدە جکنی، وصیتنامە سەنک متنی اعلان ایتدی.
 « بنم علمی، فضلیمی، عرفانمی طانیایان بومملکته
 یوف اولسون... اوچ میلیون کتابی او قوبارق وجودە
 کتیردیکم. آلتیوزبیک صحیفەلک اثرلریمی آتە آتیورم.
 کندی می ئولدور یورم. خلفلرمدن بر قاج عصر صو کرا
 مزاریمک اوسەتە صوما کیدن یاخود آلتوندن طبیعی
 جسامتمده برهیکلمک دیکیلیمسنی طلب ایدرم. باشقا وصیت

یوقدر. « دیوردی. ایرتسی کونی حقیقهٔ اثراته ناطق
 اتخار ایتمشدی. لا کین صیقدینی قورشون کیجه لک
 کلاهنگ بر طرفندن کیروب بر طرفندن چیقمش، تپه سنک
 صاچارینی ده یاقمشدی. مزاح غزته لری مرتیه لره دولدی.
 بزم ارمیجه مطبوعات بیله آلایه باشلادی. تورکلر نه
 عالیجنابدر. ملتیی انکار ایدن بوحقه بازه ینه داریلما دیلر.
 قایناشما قلوبنه ایلك اول کیردن غیر تورکلردن
 دییامان دیس سلائیک مبعوثلغیه آتنه یه کیتمشدی. غالباً
 اوراده ناظرده اولدی. آنسکه لوف محاربه نك عقینده
 بولغارستانك استانبول سفارتی مستشاری اولمشدی.
 مؤئیزیوری اختلاس، دالاوه رسندن محکوم اولدی،
 قووولدی. لوئی دورانك ده ایپاکی بازارده چیقمدی.
 ایشیتیمشدمککک اوغلنده برپانیسون ایشله تیمور. فراشارلی،
 نادر آرناوودلق قرالنی مطبوعات مدیری اولمش.
 اسلامانی براقارق قتولیک اولدینی استانبول غزته لری
 بر وقت بویوک حرفلره یازمشدی. دیگرلرینک نه
 اولدقلرینی بیلمیورم. اون ایکی سنه ایچنده جهان آلت
 اوست اولدی. بوتون حیات دیکشدی. آوستریا، روسیا
 کبی عثمانلی ایمپراطورانی ده افلاس ایتدی. شیمدی
 عربلرک، ارمینلرک، حتی قدسده یهودیلرنده آیری برر
 دولاری وار. بکا کلنجه؛ بن نه اولدم... بن... بن
 کل زمان کیت زمان متعصب ی ملیتپرور اولدم. هایقانوش
 بنی سودکجه بن ملتیمی سه ودم. اکلادمکه عائله ایله
 ملیت آراسنده هیچ، هیچ برفرق یوق.

اُ كسه مه طاتلی بر صیجاقلغك دوقونديغی دویویورم .
باشمی چویریورم . هایغانوش ... سوکیلی ، معزز ،
ملك زوجهم ... اوموزمدن نه یازدیغمه باقییور ،
صوریور :

— اونه ؟ محررلکمی ؟ ...

— أسکی خاطره لریمی یازیورم .

جواب ویرمیور . بویوک ، محزون کوزلرینی کوزلریمه
دیکییور . اويله دورویور . باقیش-نده اوقادار کوزهل ،
اوقادار حساس بر دورغونلق وارکه ... صوریورم :

— نه يه اويله باقيورسك ؟...

جواب ويرميور. سانكه آغلاياجق ... قابم چاريمغه
باشليور. عجباً بر فيصقانچلق وهميمي ؟ ... فقط ممكن
دكيل ... صاغ كوزينك اوزون كيريپكارنده بويوجك
بر اينجي پارلامغه باشلايور. دونوبور ، قالقييورم .
آلتدن اوپهرك تكرار صورويورم :

— سويله ، سه وكيلم سنك املك نه ؟

— سنك يازديغك نه ؟

— اسكي خاطره نرم ...

هيچقيريور !

— نچين تورجكه يازييورسك ، ارميجه فنايي ،

قابامي ، عاديي ؟...

دييور كيريپكلرندن قوپان اينجي ياناغنه دوشويور. اوح
نجيب قادين ... آناسنك اساتني سه وهن بويوك قادين ...
تورجكهي قيصانيور. آ كلايورم ؛ تورجكهي قيصقانيور.
يينه آ كلايورمكه قادينلر اولماسه ، عشق اولماسه يدي
عائله ، سمادت اولمادين كې مليتلرده اولماياجق ، بز
انسانلر دنياده سفيلى ، احتراضسز ، شانسز ، رقابتسز ،
ميسكين ، پريشان ، نباتات كې ، كلوب كچه جكدك .
بزه عشقي اوكره تن قادين عائله يده اوكره تييور. عائله ده
مقدس مليت حسلريني بزم دماغمزه اكييور. تسلي ايتمك
ايتييورم :

— آغلاما روح ! بو چوق اُسکیدن یازدیغیم بر

دفتر ...

— اویله ایسه یرت اونی ...

*
**

آه زاوللی تورکجه دفتر ! سنی شیمدی یرتایممی ؟
لا کین خاییر، خاییر ... بن قادین دکل، اصلا هایقاتوش
قادر حساس بر ملیتپرور اولامام. سنی، اونک کوره-
میه جکی بر گوشه یه آتاجیم : اوراده طبقی اصحاب کھفک
مغاراسنه دوشمش بر دمت یوصون کی اویو ... آما
صاقین تورکجه سطرلر گله سه و کیلمک کوزینه ایایشمه ...
اونی قیصانديروب آغلاتما ...

• ۲۹ کانون ثانی ۱۹۲۵

رضا توفیق

عبدالحق حامد

ملاحظات فلسفیه سی

حامد نامه

شاعر داهی عبدالحق حامد بك افندینك افكار
وملاحظات فلسفیه سینه دائر بر تتبع تحلیلی ایله بعضی
مطالعات تنقیدیه عرض ایدر .

۷۵ غروش فیئانه قناعت کتابخانه سنده صاتیلور .

رضا توفیق

فَلَسِيفَه دَرِیَسَلَرِی

آلنی یوز بویوک صحیفه لك بر کتابدر . نسخه لری
نادر در . فیئانی ۱۲۰ غروشدر . قناعت کتابخانه سی

ایکی سلطنت

آره سنده

روشن اشرف بکک اخیراً « ایکی سلطنت آره سنده » عنوانی و اوجه غزته لردن نشر ایدلمش اوج نفیس مقاله دن مرکب اولان بر اثری انتشار ایتشدر . خاقان مغفور محمد رشاد خانک ارتحالیه سوکیلی پادشاهمز وحیدالدین خان افندمز حضر تلرینک معایده و قلیج قوشا تمه مراسمی بدیع و شیرین بر لسانله تصویر ایدن بو اثرک مطالعه سنی قارئلریمزه خاصه توصیه ایلهرز . ۱۰ غروش فیاتله قناعت کتبخانه سنده صاقلقدهدر .

توفیق فکرت

و
اخیر لاقی

توفیق فکرت بکک سنده لردن بری اوزون تنقیدلره مناقشه لری سببیت ویره ن اخلاقی تلقیلرینی ال جدی و بیطرفانه بر صورتده ایضاح ایدن بو مهم اثر انتشار ایتشدر . محرری دارالفنون مدرسلرندن کوپرلی زاده محمد فواد بکدره . یدی بچق غروش فیاتله قناعت کتبخانه سنده صاتیلور .

آوروپا حربی

ندن آلمان

پسیقولوجیائی درس لر

مشهور حکیم و روحیات متخصصی دو قنور (گوستاو لوبون) ک حرب عمومی نک پسیقولوجیائی حقنده یازمش اولدینی درین و تعلیم کار یکی بیر کتبی در . بو کتاب ۱۹۱۶ سنه سی او اخرنده انتشار ایتدیکی وقت ، همان ، آلمانجه ، ایتالیا نجه ، ژاپونجه ، ایسپانیولجه ، انگلیزجه یه الخ ترجمه و تکرار علی التکرار طبع ایدیلش در . بو علمی و روحی کتاب لایق اولدینی اعتنا ایله ، دو قنور عبدالله جودت بک طرفندن و برچوق تنویرات ، ایضاحات ، حواشی علاوه سیله اصلندن داها زینکین بر حالده تماماً لسانمزه نقل ایدیلش در . پیاسه ده کی کاغذ فقدان و غلاسنه رغماً ، محضاً مملکت مزک علم و عرفانه خالصانه بر خد متده بولونمش اولماق امل غالیله کتاب ، لسانمزه اک مهم اثر روحی اولاجاق اولان بو بویوک کتاب مطبعه مزده طبع ایدیلکده در .

باشليجه موضوعلى شونلردر: حربك اقتصادى، حسى،
سرى سببلىرى. - محاربه لرده عامل روحى قوتلىرى. - شخصيت
تحوللىرى. - عرقلىر آره سنده كى عداوتلىرى. - حربك
مجهولاتى. - معنويتك معجزه لىرى. - آوروپا ملتلىرىنىك
ذهنيت و احوال روحيه لىرى. - آوروپا رجال علميه سنك حرب
عمومى حقه نده ملاحظات حكيمانه لىرى. - صلاح مسئله لىرى. -
استقبال الخ.

بو وبونا نماثل بر جوق مسئله لىر منحصر آ روحيات
نقطه نظرندن تدقيق و شرح ايدىلىش وبوصورتله، معلملىرى،
مربى لىرى، مبعوثلىرى، سفيرلىرى، ناظرلىرى، ادبلىرى، محررلىرى،
شاعرلىرى، حكمدارلىرى حاصللى فيكرلىرىله، مادى و معنوى
نفوذلىرى ايله جمعيت بشريه اوزه رينه تاثير اجرا ايتمه يه مدعو
اولانلىرى جمله سى ايچين، تكررار تكررار اوقونا جاق،
ملاحظه ايديله جك بير كىتاب در.

لااقل ۳۵ فورما اوله جقدر. آرزو ايدنلر شمدیدن
اون بش فورما آله بيلورلىرى ۷۵ غروش قيمتله آبونه مان
قيد اولنور. قناعت كىتابخانه سى

ديورلر كه

كچن قيش مطبوعاتمىزى اشغال ايدن كى مهم ادبى خادنه ،
 شهسز كنج محرر روشن اشرف بك (وقت) ده نشر
 اولونان ، اديب و متفكر ، مزى زيارت عنوانى سلسله
 مقالاتى اولمىشدر . ادبى مخلصلرده برچوق ديدى قودىلره
 يومى غزتهلره ، هفتهلى مجموعهلرده هيچانلى مناقشهلره
 بادي . حقى اجنهي مطبوعات صحيفه لرنده ترجمه لره مظهر
 اولان بو مقاله لر عالم ادبى اتمزده ايلك دفعه وقوع بولمىش
 بريكى چيغىردر . اداشلى اديبلر مزدن كى كنج محررلر مزه
 وارنجيه قدر كى معروف سيالرك تصويرو لرى و فكر
 و تحصيلرى احتوا ايدن او مقاله لرى مراجعتىمىز اوزرينه
 روشن اشرف بك بر كتاب حالنده مطبعه مزده طبع
 اولمىشدر . فكر و مطالعه لرى قيد و تهيت ايدىلن باشليجه
 اذبا ، شعرا و محررين شونلردر :

عبدالحق حامد بك ، نكار خانم ، سامى پاشا زاده
 سزائى بك ، خالد ضيا بك ، جناب شهاب الدين بك ،
 حسين جاھد بك ، سامان نظيف بك ، محمد امين بك خادم
 اديب خانم ، حمد الله بيجى بك ، جلال ساهر بك ، ضيا
 گوك آلپ بك ، عمر سيف الدين بك ، كوبر بلى زاده

د ، رفیق خالد ، احمد هاشم ، فاضل احمد ، علی
کمال بکار .

بوائر مشهور صنعتکار د جم دك بعضی رسماری ده
احتوا ایتكده در . ۵۰ غروش فیثاته باب عالی جاده سنده
قناعت کتابخانه سنده ساتیلماقده در .

نصرالدین خوجا

منظوم حکایه لر

دارالفنون مدرس لرندن کوپرلی زاده محمد فؤاد بك
نصرالدین خوجا بك شمدي به قدر نثر اوله ورق او قوداغمنز
حکایه لرینك اك كوزلارینی طویللامش ونظمه تحویل ایدرك
رسملی طریف بر کتاب صورتنده نشر ایلدمنشدر . فؤاد
بك اثرینه خوجا مر حومك حیاته دائر شمدي به قدر
بزجه بیلنمه یں مفید معلومات ده علاوه ایتمشدر . بو صورتله
ملی حیساتمزده بو درجه درین بر ایز براقش اولان بو
تاریخی سیماك شخصیتی حفته صاغلام بر فکر ادینك
ایسته ینلر ایچون بوائر ای بر منبع خدمتی کوره بیله جکدر .
حکایه لری تشکیل یدن قسمك لسانی غایت ساده ،
بروزسر اولدینی ایچون بویوك بر لذتله او قونماقده در .
فیثاتی ۳۰ غروشدر .



Seyfeddin, Omer
Ashab-i kehfimiz

PL
248
S38A67